


書

硃批諭旨

福敏塞楞額奏摺



硃批福敏奏摺

雍正三年八月二十九日署理浙江巡撫印務吏



部侍郎臣福敏謹

奏為恭報微臣入境事竊臣蒙

皇上洪恩署理浙江巡撫印務臣於八月初七日自京

起程於本月二十八日至浙江境內石門縣地方

有護理印務按察使甘國奎差官齎印併

王命旗牌交送前來臣當卽望

闕叩頭謝再

恩祇受訖臣才劣任重不勝惶悚伏乞

硃批諭旨

福敏

聖主特恩

御批教訓再臣臨行欽奉

上諭各條除另摺具奏外其餘文武官吏之賢否錢糧虧空之有無容臣體訪的確陸續繕摺奏

聞臣謹

奏

籌國計豈得不清理錢糧問民生莫先於糾察吏治徐徐次第舉行一一陸續奏聞

同日又

奏爲奏

聞事臣自出京至浙江地界路經直隸山東江南各州

縣細加體訪竊見地方有司皆能仰遵

聖訓清慎自矢小民亦皆感被

聖德安分守法熙皞自如惟直隸涿州以南被水衝淹

秋禾小米每斗小錢四百二三十至七八十文不

等山東德州以南至泰安州等處每斗小錢一百

六七十文江南淮安府亦有被水淹浸之處其餘

地方秋禾甚茂可望十分豐收鎮江常州蘇州米

價每石一兩三四錢不等至浙江秋收俱有八九

分亦有十分者杭嘉湖三府目下米價一兩三

錢將來晚稻登場價值必更平減理合據實奏三

聞臣謹

奏

覽奏浙省秋收情形深慰朕懷直隸今歲被水實甚現
在諭令多方設法賑恤矣

同日又

奏爲奏

聞事竊臣道經江南地方一路密訪年羹堯行止皆云
到浙之日隨從尚有千餘人馬匹亦多將軍署中
人衆難容另造房屋百餘間居住所有誘引兵丁

之言如云爾輩聽我說話不憂窮苦併令杭州知
府隨時給發兵餉不許遲誤且代爲籌畫馬價銀
兩百計市恩是實及將軍鄂彌達到日令處閒散
章京之列始覺惶悚向鄂彌達云

皇上要殺我麼鄂彌達云爾敗壞至此皆爾自取且叅

奏爾者卽爾平日信用之人更有何說年羹堯云彼

叅我亦是無可奈何等語據年羹堯所言如此則

李維鈞等結黨不散明叅暗合顯然有據年羹堯

罪不容誅實難姑恕臣始入境所聞已如此其餘

奏欸蹟再當細訪確查一一陳奏臣謹

奏

年羹堯惡貫滿盈已降旨差拏矣

雍正三年九月二十日署理浙江巡撫印務吏部

侍郎臣福敏謹

奏為遵

旨訪問事竊臣備細訪問前任巡撫法海布政使佟吉圖按察使甘國奎三人彼此乖違不相輯睦之處據杭州各官民所言三人皆以意氣用事法海操守頗好而性情偏執不時辱罵屬員佟吉圖聲名亦好而傲慢不恭全不循屬員之禮甘國奎操守

皇才情初時尚好無如居心不甚光明亦且辦事草率以致互相猜嫌不肯和衷協理此三人性情心

術久在

聖主照臨之下臣體訪浙人公論一如前案餘皆未具
睿鑒為此據實陳奏臣謹
奏
所論甚公且當實皆係中外以下表之流品也
上諭同日又與爾奏
聖奏為遵

旨問明回奏事雍正三年九月初一日浙江鹽政臣謝

硃批諭旨

四

福敏

旨問賜履至臣署中跪請其民一日進玉盤如日
聖安臣即傳宣

上諭問謝賜履爾奏沿海各縣因海潮衝淹場竈請免
場課自應查勘明白一齊具奏如何先奏幾縣試探
然後再奏幾縣此是何故純臣之心豈宜如此爾有
何說可明白回奏當據謝賜履回奏臣因華亭等七
縣官民間知兩淮場課以海潮蠲免紛紛詳求具
題豁免故先摺奏請

皇上指示應否具題後奉旨味爽成與此三人對面
皇仁蠲免於是仁和等七縣亦援例請免是以再行續

奏等語回奏畢臣與敘話間因問彼年羹堯到浙
之日爾是文官如何出城遠迎謝賜履答云是日
巡撫法海進京我循舊例到武林門地方跪請

聖安適值年羹堯亦於是時到杭雖同在公所並不是
接他臣因稱奉

旨問你這話你須將此段情節據實回奏謝賜履又即
跪奏前語且云即今年羹堯在杭兩月臣不曾與
彼往來一次各官民所共知等語臣未敢深信其
奏言連日細訪杭城官民皆云是日法海去而年羹
堯來是實在杭州未見有往來之跡爲此具摺

奏覆 臣謹

奏

觀謝賜履是一庸懦質質無知之人但猶屬謹慎操守
或有可取耳

旨問 同日又

奏為遵

旨回奏事竊查護理湖州府知府印務錢塘縣知縣楊
夢琰臣到任後即細加訪問皆云操守好辦事去
得惟性情有偏執之處及見其人明白亦肯任事
但以知縣驟陞知府係格外殊擢所以風勵合省

屬員關係非小臣初到浙江惟恐知之未深俟

再加試看一兩月果係實心任事不致改操之人

方敢據實保奏臣謹

奏

此人聲名既優居官必有可取汝當留心斟酌如堪保

薦即具本題奏

望安同日又

奏為遵

旨訪問事竊臣到浙後訪問杭州各官民將軍鄂彌達
織造孫文成等在杭行事若何據云俱無放縱擾

害之處至寧波提督楊長春杭州官民皆云待兵
雖寬而兵丁亦不敢縱肆九月十二日楊長春到
奏杭州恭請

聖安臣因恭傳

聖諭教訓楊長春敬謹領

旨自必倍加小心整飭營伍再温州總兵邊士偉據衆
論云素性不好但居官亦無劣跡湖州副將穆廷
弼臣亦未見其人訪得漢仗弓馬好居官平常理
合據實回

奏臣謹

皇奏

知道下所奏皆公聞得穆廷弼人甚平常再加訪察的
確更奏以聞

同日又

奏爲清查浮派等事竊臣於九月初八日遵例放告
有鹽商汪與韓等呈前事內稱甲商浮派鹽規銀
三十餘萬兩等語臣未卽究理先傳杭州府縣官
問明緣由據錢塘縣知縣楊夢琰稟稱本年六月
間已有商人方東昇等告發此事經前撫院法海
批發布政司轉發仁和錢塘兩縣問供據原告方

東昇堅稱甲商吳文啓等強派鹽規銀三十萬兩
據吳文啓供認只派銀二十七萬兩零是實其二
十萬兩零係鹽政衙門使費等供在卷時值法撫
院奉旨進京後聞鹽院謝賜履與各商人講明又聞人言謝
奏鹽院已具摺奏明是以此案未結等語今又據呈
告前來未知從前鹽臣曾否

奏明臣無從查照理合奏

聞伏乞

皇上睿鑒臣謹

奏

此事謝賜履並未奏朕所告淨派鹽規二十萬兩係何
年分某鹽臣任內之事詳查奏聞

同日又

奏爲遵

旨回奏事竊臣蒙
皇上面諭聞浙江火耗加重須查明是何緣由或有司
自行加增或奉上司之命可明白奏聞欽此仰見我
皇上念切民依無遠弗照臣到任後卽欽遵查訪皆云
浙省火耗向與各省不同各省有至加一加二者

惟浙江向例大縣每兩六分小縣八分前署撫臣
石文焯提解火耗銀二分有司各官遂有借名增
自加者今細訪各州縣雖名爲八分一錢實則已在
一錢之外甚至有一錢三四分不等臣現在嚴行
查禁外理合據實回奏臣謹

奏

不可存代庖之念惟諉泛視亦不可過爲裁減無餘致
令後之實授其任者諸事難辦酌中合宜而爲之

雍正三年十月十七日署理浙江巡撫印務吏部
侍郎臣福敏署理杭州將軍印務長史臣鄂彌達

謹

奏爲請嚴拏逆黨以彰

國法事九月二十八日申刻

欽差閒散內大臣都統拉錫到杭州齎捧

上諭鎖拏年羹堯欽此欽遵臣等卽於是夜同都統拉

錫傳喚年羹堯到臣彌達衙門臣敏宣讀

上諭卽時鎖拏看守臣敏恐伊家財產有藏匿遺漏之

處立即親自同內監二人赴年羹堯家內查點將

內外各房門一併封閉守至天明與拉錫等面同

逐件查點攢造總冊會疏具

硃批諭旨

九

福敏

題外又臣等公同搜查年羹堯內室併書房櫥櫃內
書信並無一紙隨將伊家人夾訊據供年羹堯於
九月十二日將一應書札盡行燒燬等語及問年
羹堯供詞無異至拉錫起身之後臣等再加細搜
粗重家伙於亂紙中得抄寫書二本書面標題讀
書堂西征隨筆內有自序係汪景祺姓名臣等細
觀其中所言甚屬悖逆不勝驚駭連日密訪其人
至十月十六日始知汪景祺卽錢塘縣舉人汪日
祺臣等一面飭令地方官將伊家屬封鎖看守一
面喚伊近房族弟翰林院編修汪受祺問其去向

據稱汪日祺現在京師確兒衚衕居住我若欺妄
不行實說甘與日祺同罪等語取具親筆供單存
案臣謹將逆犯汪日祺所撰書二本封固恭呈

御覽伏祈

皇上立賜嚴拏正法以快天下臣民之心以禡將來惡
逆之膽臣等受

恩深重義不與逆賊共戴天日爲此繕摺密

奏伏乞

皇上睿鑒施行臣等合詞謹

奏

若非爾等細心搜檢幾致逆犯漏網其妄異妖辭二本
暫留中摘款發審爾等凡經目睹之人當密之勿得洩
露

雍正三年十月二十四日署理浙江巡撫印務吏
部侍郎臣福敏謹

奏為恭報通省年成米價事竊臣查浙江通省年成
米價其杭嘉湖三府早稻豐收前經繕摺奏

聞外至九十兩月天氣晴明晚稻收成更好目下米價
每石一兩內外又寧紹金台衢等府收成俱好米
價亦只一兩至一兩一錢不等溫處等府收成尤

好米價只八九錢現今百姓安和地方寧謐理合
據實具

奏臣謹

奏

闔省豐穰時和民安朕懷曷勝忻慰

聖恩同日又

奏為遵

旨回奏事竊臣面奉

上諭命臣試看護理湖州府印務之錢塘縣知縣楊夢
琰居官如何之處據實回奏欽此臣前以初到浙省

惟恐知之未深不敢冒昧保薦已經摺

奏容臣再加試看今臣細看該令實係操守廉潔實

心辦事之員臣到浙兩月以來凡有差委事件皆

能料理清結均無錯誤人實可用不敢有負

聖恩再此外各官或有才無守或有守無才惟杭州府

知府魏定國操守好辦事勤敏詢之合屬官民皆

無異論此二員者臣所深信不敢隱蔽理合據實

具

奏伏乞

睿鑒臣謹

奏

楊夢琰朕原有旨命爾保題實授今其特矣其錢塘縣
缺若有人地相宜之員亦一併題奏

雍正三年十一月二十七日署理浙江巡撫印務

吏部侍郎臣福敏謹

奏為奏

聞事竊查藩庫錢糧例應親身盤查臣於十月中飭取

欸冊查核據布政使佟吉圖冊開地丁關稅等欸

正項錢糧舊管銀六十九萬四千二百五十五兩

新收銀四百二十二萬二千八百六十六兩開除

銀二百七十六萬四千一百三十六兩實在存庫
銀二百一十四萬二千九百六十兩又冊開雜項
錢糧共存銀六十五萬三千四百一十六兩以上
正雜錢糧通共存銀二百七十九萬六千三百七
十六兩臣隨於十月二十日親到司庫按款抽兌
俱係照數實貯並無缺少所有盤過藩庫實在錢
糧理合奏

聞再前撫臣法海

奏明抵充公用之鹽規馬械等銀據藩司呈報本年
鹽規銀七萬八千九十兩已經鹽道收過銀一萬

八千三百兩現在催解司庫又本年馬械銀七千
一百九十八兩內據完解銀二千八百七十兩零
除動用外實存庫銀一千四百五十兩零又雍正
二年提解二分耗羨銀六萬一千四百四十八兩
零內已完銀四萬一千五百四十一兩零除動用
外實存庫銀一萬八千七百九十五兩零又雍正
三年二分耗羨銀六萬一百六十三兩原請爲積
儲備賑之需今據報僅收存庫銀六千八百八兩
餘俱現在嚴催未據完解以上各款亦經驗兌無
虧合併陳明伏乞

皇上睿鑒臣謹

奏

爾自抵浙以來所奏數事暨料理一切案件俱中肯綮
朕甚嘉悅特晉德一事應如是奏因朕另有所見故降
嚴旨實無責爾之意接到部文不必疑懼也齎奏數摺
除發部議外餘留中矣行將召爾回京相見匪遙知之
雍正三年十二月二十二日署理浙江巡撫印務

吏部侍郎臣福敏謹

奏為奏

聞事雍正三年十二月十八日

欽差奏事員外郎覺羅石麟到浙江拘拏曹濤安當卽

井伊胞弟曹人表一併拏獲隨差委千總王瑄把

總高陞押解赴京交部外所有房產人口什物當

經查明造具清冊此外有無寄頓年羹堯財物飭

令地方官嚴加搜查另行奏

聞臣謹

皇奏

此因要犯恐其相風遠颺故遣石麟前往密拏今已就
獲深愜朕懷

雍正四年十月初十日署理湖廣總督印務都察

硃批諭旨

十四

福敏

院左都御史臣福敏謹

奏為恭謝

天恩事竊臣至愚極陋蒙

皇上格外洪恩不次任用今復蒙

天恩命臣馳驛到楚署理總督印務臣於九月十九日

自京起程十月初八日至漢口地方接印所有入

境接印日期恭疏

題報外伏念臣才劣任重不勝悚懼惟凜承

聖訓欽奉遵行所有奏摺更乞

皇慈垂憫愚昧

御批指示俾得知所遵循以圖仰報
天高地厚之恩於萬一臣不勝感激之至

皇奏

應如是奮勉力圖報稱若因暫行攝署以五日京兆自

唐而諸事謏制則負朕之信任矣勉之不煩辭謝具

皇土同日又以重刊更業

奏為欽奉

上諭事謹於九月二十八日到河南省城巡撫田文鏡

更出城恭請

聖安並即恭傳之事皆景刊以累大吐恩若一

上諭汝所辦理之事皆是所以累次加恩若一有偏執便不能皆是朝廷雖欲加恩亦不可得乃知臣道之克盡君恩之常保皆由於凡事之合宜而不執也汝宜深體此意當據田文鏡回奏臣蒙

皇上洪恩委以重任復蒙

聖諭諄諄教訓臣雖愚昧亦知感激不敢稍執偏見凡事務求合宜庶幾仰報

皇恩等語臣復欽遵

諭旨向按察使魏定國開歸道楊夢琰云直隸總督李紱來京面奏魏定國楊夢琰係誠實之人恐與田

文鏡不能相合

皇上聞奏甚是不喜蓋凡爲臣子之道務須絕去偏黨和衷共事不可誤信人言致與上司參商卽或意見稍有不同亦須委曲周旋誠心商酌方能有濟何得以此齟齬不合致妨公務

皇上命我切囑汝二人自後有則改之無則加勉當據二人回稱我等本係微員蒙

皇上殊恩超擢顯任何敢妄信人言致與上司參差今後益當勉力絕去偏私凡事皆與巡撫商量務求至當以圖報

天恩等語爲此具摺奏

聞臣謹

奏

田文鏡懋勉公忠克盡厥職朕命爾傳旨褒獎以掄揚其美爾何得將朕諭顛倒錯亂向伊宣此一篇訓飭之旨大非朕意殊屬謬甚莫非忘記耶

同日又

奏爲欽奉

上諭事臣於十月初八日至湖廣省城撫臣鄭任鑰恭請

聖安臣隨敬傳

上諭鄭任鑰臣見時陳奏議論俱有可觀到任以來所辦之事甚是平常須竭力自勉不可安於因循有負委任至意當據鄭任鑰回奏臣蒙

皇上天高地厚之恩雖捐糜頂踵難以報稱奈才識短淺力不從心又蒙

聖主不卽罷斥賜之教訓臣非木石豈不感激自今以後惟有恪遵

聖訓竭盡駑駘稍報涓埃等語臣伏覩鄭任鑰爲人雖

聖諭愧悔無極我

皇上時加鼓勵尚可膺一方之任也理合據實奏

聞臣謹

聖奏

鄭任鑰經朕面加訓誨尚不能遵奉率多言與行違況
爾轉傳諭旨如水沃石耳亦何益之有觀爾詳論鄭任
鑰之言頗染漢人陋習於此處看不透不進步徐元夢
之後塵而已往往虛名能賈實禍不可不知也迂腐識
見斷然宜去淳樸古風謹守弗失戒之慎之

同日又

奏為奏

聞事竊臣入湖廣境即知姦民謝錄正等已獲此皆我
皇上天威神算無遠不周所以頑梗姦民立即就擒但

聞辰沅地方界連溪崗苗夷錯處最易煽動今謝

錄正餘黨尚有二十餘人未盡拏獲若有漏網恐

致滋蔓古云樹德莫如滋去疾莫如蓋乘此機會務須拔木臣現在嚴飭文武官弁務必追緝盡獲至

於善後事宜容臣細加密訪熟悉情形斟酌妥協

另行奏請

訓旨再楚省軍政頗多懈弛臣人境所見已覺不堪除

一面通行嚴飭外理合奏

殊批諭旨

聞臣謹

奏

開魏經國清正和平持已則有餘至於訓練營伍甚屬廢弛經楊宗仁整理一番之後較前稍覺改觀汝亟當加意嚴飭竭力整頓毋懈

同日又

奏爲奏

聞事臣自京赴楚路過直隸河南各府細詢秋收豐歉畿南地方收成七八分不等二麥已種大半入河南境年成更好開封以南秋成十分豐收刈獲堆

積如坻如京二麥已種十之七八目下雨水霑足春間可望豐收及至湖廣自德安達武昌一路稍遜河南亦有七八分收成至米價直隸小米每斗二百四五十文至三百二三十文不等河南開封等府以及湖廣德安等府每斗二百二三十文或一百一二十文不等然沿途小民所言皆係地方行斗大小極其不齊約畧較量其價皆不甚昂而河南尤賤惟湖廣有被水州縣另摺具奏外至臣所歷郡縣訪其長吏俱各兢兢守法此皆

我

皇上宵旰勵精察吏安民所以大法小廉皆知儆惕內
有直隸順德府知府范弘偲者廉幹執法聲名尤
好合併奏

聞臣謹

奏

閱所奏深慰朕懷范弘偲人好操守更優朕知之甚悉
但少過於柔軟好行小惠以邀譽是其微疵耳今已另
用矣

同日又

奏爲奏

聞事臣由河南至楚路遇老幼男婦扶攜道路詢其所

自係湖廣被水之沔陽潛江等十州縣饑民逃荒

入豫臣到湖廣省城卽問撫臣鄭任鑰知己先經

題報並請動常平倉穀賑濟未奉部行臣思常平倉

穀雖以備不時之需然非萬不得已豈可輕動今

此十州縣皆係水鄉舟楫利涉米商易通目下但

須穀六萬石散賑卽可無憂瑣尾臣與撫臣及司

道官公同商酌查有各衙門贏餘銀兩原充公用

卽動銀二萬四千兩買穀六萬石但一時採買不

便且恐穀價反致騰貴議將常平倉穀借支六萬

石發賑卽將此項銀兩陸續買補庶於積儲無損而民生有益理合奏

聞臣謹

奏

買穀散賑籌畫甚爲允當實屬可嘉朕救荒心切豈惜倉穀但如此一轉移間賑務旣濟積儲仍不虧缺可謂一舉而兩得也

雍正四年十一月初八日署理湖廣總督印務都

察院左都御史臣福敏謹

奏爲請

旨事竊查湖南綏寧縣苗獠屢肆劫掠本縣士民公呈請於黃桑坪地方立營彈壓情願公捐建造營房等語經湖南布按二司會詳議以銅鼓五開清浪平谿四衛已奉

旨撥歸黔省其備弁及四衛所轄兵丁二百八十三名可以撤回防守綏寧合之綏寧本汛兵二十一名再令宜都營遊擊帶宜都兵五十六名移駐綏寧

旨諭共將弁五員兵丁三百六十名分作三路駐防庶可彈壓等因到臣思綏寧舊汛只二十一名今驟增四衛兵丁二百八十三名似不爲少况宜都

係楚蜀咽喉從前設兵防禦自有深意恐未便抽
兵他駐再令詳議去後又查湖廣天柱縣奉
旨歸黔部議天柱營將弁兵丁亦卽歸黔獨此四衛地
去兵回似未盡一臣思黔楚均關緊要今遽議撤
兵恐未妥協另以手書馳問撫提二臣據撫臣布
蘭泰云天柱營係本縣額設之兵自應隨地歸黔
此四衛係靖沅二協內撥往汛防之弁兵原與天
柱額設之兵不同以楚兵防楚地似爲妥協等語
臣伏查綏寧地方兇苗劫掠之案不一而足士民
再三呼籲則移兵駐防誠不可緩臣意但撤銅柱

等四衛弁兵令宜都營遊擊改爲綏寧營遊擊移
駐黃桑坪已足彈壓其帶宜都兵五十六名之處
似無庸議但銅柱等四衛業已歸黔俱係苗夷錯
雜之區亦關緊要仰祈

皇上
救下貴州督撫提鎮預爲酌撥守禦庶計出萬全事關
朕前經特諭勿因暫署而不竭力整理況係設兵要務
聖旨地方重務臣不敢推諉亦不敢擅便謹據實陳
汝豈容推諉耶勉爲之
奏伏乞

皇上睿鑒批示施行臣謹

奏

此一事之機宜朕未經透徹何可遽行敕諭酌撥守禦

爾當備敘情形咨商鄂爾泰詳議妥確會題到日朕再行裁奪可耳

皇上同日又

奏為恭請

聖訓事竊臣署理湖廣總督印務才識短淺恐措置不能合宜惟敬將所辦之事恭請

皇上訓諭謹逐條開列於後一楚省吏治怠玩皆由於狗庇請託而湖南尤甚下屬公然以稟摺求請上司亦多以手札密諭因而久懸之帑項未清外結之冤獄不少查姦民謝錄正案起於康熙五十八

若非布蘭泰據實摺奏至今朕猶或未之聞也年顏正案起於康熙六十一年至今始得上

聞種種諱匿皆如此類即如臣以憲臣出使尚有湖南

藩臬二司無端干瀆經臣

題參在案則其他可知臣接閱邸抄欽奉

上諭禁絕私書囑託臣即欽遵通行嚴飭務使遵循

楚省界連黔蜀控制苗夷武備尤為緊要自督臣

楊宗仁故後日就懈弛臣到任後即行文通飭訓

練臣標將備弁兵併就近各營弁兵每日輪流考

較弓馬操演鎗礮不許虛應故事統俟督臣宜兆

熊到日交代一湖廣盜賊必有窩家而窩家又必

殊批諭旨

三

福敏

有紳衿衙蠹爲之謀主平時受其賄賂一經發覺
卽代爲營救因此盜風愈熾臣飭行各屬凡有盜
案必究窩家謀主務必搜剔根株不得草率完結
再保甲最爲良法乃奉行不善致多煩擾每日一
輪答應差使不暇稽查或有失事彼此推諉臣亦
通行嚴禁差擾務使清查地方便安百姓一湖北
沔陽潛江等州縣衛被水歉收經臣

奏請以各衙門贏餘銀兩賑濟一面借常平倉穀支
發一面陸續買補遴員監賑於十一月初一日賑
起饑民可無憂乏之食矣又有鹽商吳鼎和等具呈

當爲具題以旌其善
情願捐銀二萬兩助賑飭令一併買穀以資接濟
至湖南巴陵等九州縣衛被水經撫臣布蘭泰具
題請發倉賑濟臣移咨詳問情形再以手書細詢曲
折皆云現在實力奉行務使均沾實惠一姦民謝
錄正等一案首犯雖已就擒餘黨尚有數十餘人
未經拏獲臣勒取承緝各官弁職名定限嚴緝惟
是地雜苗夷姦民不時爲害善後之策尤爲緊要
除綏寧立營另摺奏

聞外其餘現在確訪妥商俟有定議再行請
旨一苗猺雖風俗懸殊性情不一然亦知懷德畏威亦

欲保全身家性命臣到任後有茅岡土司覃純亦當題請議敘以示鼓勵拏獲妖言姦民謝爾儀等送解臣即從優獎賞以示鼓勵仍通飭衆土司各安職守有能協力緝姦者照茅岡司例獎賞如敢藏匿者同罪以上六條係臣愚見計慮多有未周均懇

聖恩指示臣謹

奏

通盤逐款俱有條理皆合機宜但當勉力躬行實踐耳何煩朕再爲指示訓諭耶

雍正四年十二月初四日署理湖廣總督印務都

察院左都御史臣福敏謹

奏爲請

旨事竊查湖廣爲天下第一出米之區乃民間於豐收之歲不思積貯備荒深爲可惜前督臣楊宗仁遵旨舉行社倉最爲地方經久之計當據湖北湖南各州縣通共報稱貯穀八十萬石在案自楊宗仁故後督撫既不留心有司遂致怠玩今僅報實貯穀一十七萬六千石零現在被水乏食各州縣社倉俱無存貯內惟黃州府屬之黃梅縣實在存穀一萬石照常借給民得無饑則是實力奉行者顯有成

此事朕已聞之並非玩誤如此均應指參但刻下未便嚴
效而各州縣玩誤如此均應指參但刻下未便嚴
催恐有抑勒派補情弊可否仰請
勸民補之三年通行各州縣鼓勵官民照依原報數目
聖恩定限三年通行各州縣鼓勵官民照依原報數目
勸民補之三年通行各州縣鼓勵官民照依原報數目
勸民補之三年通行各州縣鼓勵官民照依原報數目
勸民補之三年通行各州縣鼓勵官民照依原報數目

經此番愈知無益即有願捐者亦不甘徒與貧民
常平倉穀一體交代如此則行之日久生息日多
社倉原屬良法但與民謀始甚難當日楊宗仁因此頗
國計民生均有裨益伏乞
有怨聲然在伊可謂實心奉行矣
皇上御批訓示施行臣謹

奏
宜兆熊赴楚尚需時日爾於諸務殫心料理毋稍存觀

望之念也

同日又

奏為恭謝

天恩事竊臣齋摺家人回楚奉到

硃批諭旨跪讀之下不勝悚懼臣昏憤顛倒傳

旨與河南撫臣田文鏡誤以褒獎為訓飭罪無可追又

因初到楚中偶見前撫臣鄭任鑰回奏恭順為其

所惑尤屬錯謬乃蒙

皇上格外洪慈不即加罪仍以

溫綸教訓臣惶悚羞愧無地自容伏念臣以廢員蒙我

硃批諭旨

三

福敏

皇上恩養教誨培植成人委以重任念及臣等素蒙
君父師恩三者兼備此外未嘗受人一毫之恩所以絕
無交情不避嫌怨豈敢尚有瞻徇之念自今以後
惟有恪守

聖訓痛自刻勵益加勉力伏乞

天恩憫臣昏愚錯謬曲賜教誨俾得知所遵循臣不勝

感激惶悚之至臣謹

奏

汝胸中除却科甲二字則心無適莫而於事亦可無過
不及之差矣

署理湖廣總督印務都察院左都御史臣福敏湖
北巡撫臣憲德謹

奏爲奏

聞事竊湖北江夏沔陽等各州縣被水歉收臣等遵

旨煮賑於十一月初旬次第賑起仍不時查察地方甚

是安靜米價亦已漸減惟是湖廣雨雪連綿老幼

頗難赴廠食粥卽丁壯遠來就食有十里至二三

十里不等南方地暖臘月尚在種麥可以傭工恐

每日往返有妨生業臣等公同酌議卽遵煮賑之

法少爲變通以煮粥米數合算大口每日給米三

合小口一合五勺行令各州縣確查人口數目老弱丁壯一體給米務令災民赴廠親領以杜包領侵蝕之弊統俟來春賑畢造冊報部理合陳明謹奏

當如是變通救濟總期災黎得均沾實惠以慰朕饑溺之懷

雍正四年十二月初十日署理湖廣總督印務都

察院左都御史臣福敏湖北巡撫臣憲德謹

奏爲請

旨事竊臣等莅任以來細察地方情形衡量屬員賢否

每見地處衝繁之府州縣各官辦事雖稱勤慎操守亦屬廉潔然才非肆應弗克勝任其地處偏僻之府州縣內亦不乏才具優長精勤能幹之員若得量爲酌調一轉移間則人地相宜於吏治民生似均有裨益且次第調換倉庫錢糧亦可清查但湖北向無調繁調簡之例臣等未敢冒昧會題倘蒙

皇上俯允所請臣等卽就現在所知之員具疏

題請爲此繕摺會奏請

旨伏乞

硃批諭旨

天

福敏

睿鑒施行臣等合詞謹

奏

宋但湖廣二省每調繁調簡之例卽他省亦未經通行
朕踐阼以來皆與諸臣杜社密爲奏請此舉若出於至
公原屬美政倘涉於私比則其弊不可勝言矣所以朕
不輕開此例然亦有一時權宜行之者惟視督撫之公
私何如而斟酌於其間耳朕意調繁自必皆勤幹之員
至於調簡或亦偶有抱屈者然大都姑容狗庇之舉居
多地方繁簡固有不同卽就極簡州縣而論莫不皆有
刑名錢穀之責其闕茸劣員安可任曠厥官以貽誤一

邑之事乎若不過僅短於才而無蕩檢踰閑之處宜勒
令退休係科甲出身者或題請改教國家頗不乏才徒
使此輩壅塞仕途反致真才不獲見用於時殊難免魚
目混珠之誦卽如月選各官於引見時朕觀其人雖似
不及但豈得以語言相貌一見而定其優劣遂將無過
之人卽行斥革是以姑且補授令其莅任全賴爾等督
撫大吏秉公衡鑑明試以功也朕反覆思維吏治須嚴
爲甄別若係庸材斷宜沙汰試思一人之榮辱得失較
之國計民生輕重何啻倍蓰向來姑容陋習近於婦人
之仁欲以此沽寬厚之虛名實不知乖激揚之大典也

地方惟良吏難得果實係有爲有守之員遇因公呈誤
叅劾仍不妨另爲題留設遇丁艱事故揆其情理如非
孤子可以在任守制亦當破格保留給假數月俾得盡
其子道然後赴任倘該員報本念切堅欲奔赴則不必
強或具本題請於服滿之日仍補本省遇缺卽用如此
方爲鼓勵人材之道雖然總期出於至公無私方受薦
賢之賞朕必親驗其人以別真僞也今爾楚省牧令中
察有精勤能幹之員而在僻地者用違其才誠爲可惜
爾等題請調繁可也至於才短而任衝繁之地欲爲調
簡者當仰遵朕諭加意斟酌而行均將與例不符情節

備細聲明題奏又所奏次第調換盤查倉庫之說似可
不必何也倘或不肖有司彼此互相容隱反致爾等難
於稽察矣亦何益之有

諭福敏朕原命爾暫署督篆俟宜兆熊一到交代卽還
昨宜兆熊來京陛見看伊精神力量甚覺勉強楚督節
制兩省文武任鉅事繁統轄匪易且又不識一字但其
操守尚優而心術亦正藹然有忠君愛國之誠爲可取
耳朕茲令伊督理直隸事務以試觀可否兩湖重寄一
時不得其人故欲將爾多留一兩年以經畫之爾其從
容次第料理可也一兩年之語係朕約畧言之若一得

人卽命往替令爾旋都不必亟思赴闕致亂心曲近日
廊廟中頗乏卿貳滿臣皇子左右亦需爾來輔翊留爾
在楚乃出於不得已也宜仰體朕意勉力爲之特諭

雍正四年十二月二十五日署理湖廣總督印務

都察院左都御史臣福敏湖北巡撫臣憲德謹

奏爲奏

聞事竊查湖廣苗徭地方不產硝磺而各案每以鎗礮
傷人明係姦民販賣轉入崗寨臣等正在嚴禁細
查舊案有叅革藩司張聖弼任內濫給硝磺牌照
尚有六十九張屢催未繳因提布政司經承訊究

據供有漢口鎮私行經紀竇廷英鄭虎山等家現
在貯有硝磺併供出私販犯人林西周馮三解大
成等隨將各犯發署司趙之均審問據該司詳稱
據林西周供所賣硝磺係伊戚前撫臣鄭任鑰在
藩司任內詳明督撫買的硝八百包磺八十包其
硝託竇廷英等煎提除提淨硝二十盆貯局外其
餘賣了一千多兩銀子交與鄭任鑰去訖餘俱現
存等語又據馮三供所有硝一百五十包是伊主
叅革都司李愈隆的又據解大成供張聖弼任內
給的牌照甚多共填過一萬六千包每包交票銀

四錢共銀五千兩是前署總督滿丕得的各等因到臣等臣等伏查封疆大吏豈容官買私賣違禁射利殊玷官箴除將所獲硝磺飭令藩司收貯外臣等受

恩深重不敢徇隱爲此合詞具

奏伏乞

皇上睿鑒施行謹

奏

凡事自應如是據實入告方可以振刷積弊頽風設以此謂過於嚴刻係發人陰私之行而不爲惟互相朦隱

是務則積弊何由革除頽風安能不變若云因受恩深重方如是糾舉所見殊爲小哉蓋凡屬臣工旣食君祿皆當秉公忠之心行利國之事始稱克盡乃職此奏甚屬可嘉爾等督撫會同嚴查議奏

聖恩同日又

奏爲陳明事竊臣愚蒙草率未深悉前撫臣鄭任鑰皇上之爲人爲其所欺具摺覆奏甚屬錯謬伏蒙

聖恩教訓臣感愧無極今果有該撫在任私賣硝磺一案發覺大玷官箴臣不敢不據實具

奏除會同撫臣憲德另摺恭

奏外臣前此愚昧無知爲彼陳奏之處理合一併處

分倘蒙

皇上天恩曲宥俾臣得改過自新臣當益加勉勵矢公

矢慎庶幾虛能生明不致如前昏謬有負

聖恩臣不勝惶恐之至臣謹

奏

君子尚可欺以其方孰能不爲人所愚或掩其不善而
著其善當下燭照最難但於覺後不自文飾以遂其非
則轉非爲是矣何過之有勉之

同日又

奏爲飛檄嚴查等事竊臣准湖南撫臣布蘭泰咨前

事內開據臨藍營參將馬守忠稟稱據本營千總

呈稱十月三十日准宜柳營移准前途各省營汛

移內開蒙本都堂蔡諭開怡親王大學士等奉

旨查勘河道水利凡經由之地俱著令派撥該汛兵丁

二十名跟隨引導等語又據郴州吳千總稟報探

得怡親王差王大人查勘河道帶騾二十一匹由

旱路已到衡山縣今衡協現在迎接撥兵二十名

護送等語但未奉部咨似難確信等由到院據此

查大人查勘河道並無部文知會亦無鄰省咨移
且既查河道斷無由陸路行走之理明係光棍假
冒合亟飛檄查拏解究以憑

奏報除行文武官弁查拏外相應咨會煩查照會飭
等因到臣臣一面據咨行文本省官屬兼移咨鄰
省一面嚴飭各營汛弁如有其人務須查明去向
一路追尋緝拏務獲如係訛傳亦必一路追溯根
源嚴叅重處統俟查明再行具

奏外但地方有此事理合先行奏

聞臣謹

奏
殊堪詫異誠為大笑談也不料孟光祖之行踪復見於

今日亟當嚴飭查拏務獲其人究明來歷奏聞

雍正五年正月二十五日署理湖廣總督印務都

察院左都御史臣福敏謹

奏為請

旨事竊查湖北湖南社倉貯穀據各州縣雖稱自原任
總督楊宗仁故後諸事寬縱社倉原係不入交盤
之項故因循遲緩不曾收足以致原穀久虧然貪

墨之吏將

殊批諭旨

三

福敏

國家倉庫正項尚敢公行乾沒民間積穀何難恣其
侵漁我

皇上至聖至明無不洞照臣竊以此等虧空之員不惟
侵蝕者應叅卽怠緩久不收足者亦所當劾應如
去年直隸私糶倉米之例將該州縣

題叅解任如審係實欠在民不會收倉應令原報捐
之官紳士庶陸續交納俟原數補足之日照例開
復如審係侵欺卽請革職究擬嚴限一年追完果
能限內全完准其減等請

旨發落臣愚以爲如此則貪員知畏而社穀可以補足

但全楚州縣社倉虧缺者幾至四分之一若不預
備接任之員一時遽行叅出恐署事無人有曠職

未守仰請

皇上揀選候補候選州縣人員湖北湖南各

勅發二十五員臣將虧空各員會一指名

題叅庶接署有人不致懸缺久待臣愚昧未敢擅便

伏乞

皇上睿鑒施行臣謹平十二日內

奏

所奏甚是俟揀選得人陸續發往

殊批諭旨

五

福敏

同日又

奏爲

奏明事竊臣於上年十二月內准湖南撫臣布蘭泰
咨據臨藍營叅將馬守忠稟據前途報有王大人
跟巡查河道并稱已至衡山縣撥兵護送等語查大
人查勘河道並無部文知會明係光棍假冒現在
皇上檄飭查拏咨會到臣臣卽具摺

奏明並咨隣省嚴查去後續據衡陽協副將周一德
覆稱並無前項假冒大人經過亦無撥兵護送等
情臣現在行湖南布按二司併咨湖南撫臣就近

調集衡陽將弁及原報之千總吳傑質訊是否訛
傳誤報詳到之日卽行參究至查原報抄單係自
河南接據前途營汛之文遞傳由陝西四川雲南
廣西等省而至湖南臣仍咨廣西河南撫臣挨查
訛報起自何省何營聽彼省嚴究以儆將來臣謹
將現在查究情由具摺陳明伏乞
睿鑒臣謹

天奏

江西亦經奏到已諭令嚴查矣此事不容少懈務須究
出根由以釋疑懷

殊批諭旨

三

福敏

同日又

奏爲恭謝

天恩事臣齋摺家人回楚荷蒙

皇上賜臣

御書福字一幅風羊一隻臣卽出郊跪迎至署望

闕叩頭祇受訖竊臣蒙

皇上擢用不次

加恩茲復仰觀

宸章飫沾珍味

恩施稠疊臣卽捐糜頂踵不足報

高厚於萬一也再臣同撫臣憲德會陳酌調繁簡互盤

倉庫一摺欽奉

皇上硃批臣跪讀之下仰見

聖明睿照指示周詳實非臣等愚昧所能籌及又蒙

諭臣已令宜兆熊署理直督事務兩湖重寄一時不得

其人

命臣從容次第料理一二年

聖恩有加無已仍復恤臣犬馬依戀之心

溫綸寬慰若一得人卽命來替令臣旋都誠荷

皇上天地生成之恩卽父母之於子未有周詳於此者

硃批諭旨

臣跪讀捧繹感鏤心腑涕泪交并自念受
恩深重異於尋常敢不竭盡忠誠剋去偏黨將地方事
務遵

旨次第料理以少竭區區報効之忱謹繕摺恭謝

天恩并陳下悃再臣奉到

御批奏摺應卽恭繳因臣戀

主心切請暫存臣署俾得時時跪誦如覲

天顏容臣回京之日親繳合併陳明伏乞

睿鑒臣謹

奏

朕所批諭之摺爾檢閱應留者留存回京日面繳其餘
辦理事件等摺仍卽繳回以備備有察攷也

雍正五年二月二十日署理湖廣總督印務都察

院左都御史臣福敏湖北巡撫臣憲德謹

奏爲請

旨事竊查州縣倉庫錢糧責在知府盤查定有獨賠分

賠之例而州縣虧空發覺於平時者無幾往往揭

報於事故離任之日則是知府素日徇隱之弊似

不能保其必無也今查督撫新任於三箇月內查

奏明具

殊批諭旨

奏臣等業經嚴檄布政司實力盤查然止據各府結報無虧終不敢盡信爲實倘其中或有一二欺朦者而遽爲轉

奏則臣等重負我

皇上慎重倉庫之至意咎戾滋深茲會同酌議乘此督撫新任盤查之際分委兩司糧驛守巡各道親往各州縣徹底清查俟司道盤明之後臣等仍親自抽盤數處則州縣之果否虧空知府之有無徇隱皆不能掩飾然後據實奏

聞庶幾積弊可清但臣等愚昧未知當否伏請

皇上訓示如蒙

俞允并乞

聖慈勅部寬限四箇月容臣等細查具

奏伏祈

睿鑒施行臣等合詞謹

奏

目今米價少昂正值青黃不接之候不宜紛擾朕意姑且委員盤查聲言秋收後親往抽盤亦足以儆飭地方有司爾等若慮結報難憑不妨卽將委員盤過雖報並無虧缺不敢盡信等語敘入本內具題將來或有不符

處爾等亦可告無過矣至於倉糧每經一番盤查必有
一番折耗勤盤亦非善舉且恐通省急於買補米價或
致驟長有礙民食不若於秋收價平之時從容暇豫加
意確覈方有益而無害也總期爾等實心料理卽少緩
數月何妨如此據實直陳朕甚嘉之

同日又

奏爲恭

奏楚省雨雪情形米糧價值事竊臣據湖北布政使
王克莊報稱自雍正四年十月起至五年正月止
武漢黃安荆德等六府雨雪稍多鄖襄二府雨雪

調勻現在米價每石八九錢至一兩一錢不等小
麥五六錢至八九錢不等大麥二錢至四錢不等
又據湖南布政使朱綱報稱自去年十月至今年
正月各屬有得雪者有未得雪者大抵雨水稍多
現在米價中米每石九錢五分至一兩四五分不
等上米一兩一錢至一兩三錢不等與臣訪查無
異再湖北自冬至春因雨雪稍多種麥僅有十之
五六將來天氣晴和可望收成俟二麥登場臣查
明收穫分數再行奏

聞臣謹

殊批諭旨

奏

湖南雨水稍多朕亦聞之至所奏米價在爾楚省似覺過昂矣或亦因買補倉穀之所致耳去歲直省不為歉收而各處米價皆至稍貴者諒必因此之故暫時雖覺可憂而儲備豐盈緩急有濟則又為可喜之事也朕所見如是爾等頗以為然否

雍正五年三月十六日署理湖廣總督印務都察

院左都御史臣福敏湖北巡撫臣憲德謹

奏竊臣憲德齎摺家人回楚蒙

皇上發下候選知縣周會賢訓導改補主簿劉方夏各

條奏原摺到臣等欽遵

硃批諭旨公同逐一詳看其周會賢所奏襄陽府屬有

未經開墾荒地等由臣等查襄陽府屬之棗陽均

汝等所定三年之期似覺過寬百姓生齒日繁此等內

地之田任其荒蕪從前荒蕪地畝甚多其中有因本戶

遠出他人未便頂業亦有本人荒地過多一時不

有益方為籌畫則原業不肯輕棄與人誠有如條奏所

能盡墾又以原業不肯輕棄與人誠有如條奏所

查察如已漸次開墾則將來無業戶既不能責之以計

不過徒因循歲月而已當先查無業戶之數地官為議

定價地民人願買者聽其承買此是宜先

更查其中非游惰實因人頂墾承糧在本業主亦無可

硃批諭旨

臣

福敏

種之資俟其墾種收獲後勒限陸續扣還此又一法假
置喙矣至劉方夏所奏沿江洲地淤墾甚多現報
若慮其或致拖欠業有已墾之熟田在則資本終不至
蘆課不無隱漏一條臣等查江中洲渚坍塌淤不常
於無著也此所議草率爾等另為詳議奏聞
原非平原沃壤可比有五年一次清丈之定例容
從前官吏之清查之時遴員履畝確勘果有隱漏淤墾
應故事則斷不可
自不難於逐一清出再查漢鎮為九省通衢商賈
往來居民稠雜臣等正在酌議欲請添設巡檢一
員以資巡緝謹閱劉方夏條奏原摺欲照黃州府
屬之岐亭安陸府屬之新堤以同知通判駐防之
例請將漢陽府通判移駐漢口但查漢陽府同城
府佐止通判一員似難遽議分防別地其添設巡

所見甚是彼地如確有應設兵添官之處何惜小費但
惟期得當耳
題達上請

聖裁謹將臣等愚見恭摺陳

奏伏乞

皇上睿鑒謹

奏

覽

署理湖廣總督印務都察院左都御史臣福敏謹

奏為

奏明事竊臣署理湖廣總督印務自任事之後即查

殊批諭旨

三

福敏

衙門一切陋規盡已革除惟有武昌廠稅一項每年除解正額之外約計贏餘或六七千或七八千兩不等又有鹽商未裁小禮銀四千兩前任督臣楊宗仁留此爲總督衙門養廉之用今臣奉命至楚自去年十月至今計有贏餘銀四千兩商人小禮銀二千兩除上年買米賑濟用去二千兩外尚存銀四千兩今因饑民停賑臣恐青黃不接男婦尚有乏食者卽以存銀買米散賑以廣

皇仁緣臣身受

皇上隆恩至深至渥若以此項自奉過厚更加踧踖難

安此臣出自至情非敢矯廉干譽惟臣先因暫署月日不久故不延一幕客今見兩省刑名錢穀事務殷繁必須幕賓相助辦理所需修金等項并將來日用薪水之資俱不免以此項銀兩支用統俟歲底臣將收過若干支用存貯各細數另摺

奏報謹繕摺

奏明恭請

皇上聖訓以便遵奉施行臣謹

奏

不但汝不必矯廉且汝係暫時署理若令後任難乎爲

繼亦非情理之平督撫衙門養廉自當酌定數目朕豈
有令汝等枵腹從事之理況一切賞犒兵弁延納幕賓
之需有斷不可省者今將憲德奏摺發汝酌定其山西
陝西河南督撫朕皆許以一二萬金養廉因楚省各項
何者可作督撫養廉朕未周知難以批諭耳汝磨署理
之任正可一秉公恕斟酌允當之數隨便附奏以聞似
此瑣屑之事朕本不欲聞緣汝等皆以爲必令朕知心
始得安朕亦不過聊爲知之而已至汝等品行之清濁
全不在此也

同日又

奏爲

奏明地方情形事竊查楚省民風素稱獷悍而標營
兵丁亦復驕縱比年以來官斯土者惟以姑息爲
事以致兵民益無忌憚去年偶被水災便至興造
訛言強借稻穀臣仰遵

聖訓竭力整飭犯法之人必無寬縱并飭各弁嚴爲約
束俾營伍之中各遵紀律至州縣內有無賴棍徒
奏勾結夥黨冒稱饑民擅至民家強借穀石者臣卽
行地方文武各官查拏懲處斷不容其擾害善良
望鑒此係臣職所當行之事不應瑣陳以煩聖鑒

聖聽但涇於地方事宜無論鉅細不敢一毫蔽隱理合繕摺式文苑各官休沐以次調不...
奏明伏乞 聖旨 謹 皇上睿鑒 臣 謹 皇上睿鑒 臣 謹
朕亦素聞湖廣人情刁頑比有奏朕當照依浙省整飭者汝為全楚綱領陋習若此自應竭力懲治以振其頹風但不可過為急迫令闔省無所措手惟相機隨宜而推移之方收善俗新民之效汝自署篆以來聲名頗優摺奏甚合朕意大凡以誠事君實心任事未有不表見

者人孰無良久之臧否自辨即或人不知之西北唱食上蒼寧不鑒察耶勉為之

同日又

奏為恭陳土司情形應請歸流仰祈

聖訓事竊臣於本年正月據九溪協副將包進忠呈報有桑植土民男婦千餘人逃至邊境據稱已革土司向國棟仍舊掌印威逼凌虐是以奔逃伸冤情願改土歸流等語併將土舍向朝先等五名解報到臣現發湖南兩司審究臣查奔逃土眾至千有餘人則該土司之恣為凌虐不善撫馭可知所有

印務若令其妻護理必至妻報夫仇若令伊子承襲亦不能子幹父讐勢必戕害無已臣愚俟兩司審明之日應如土民所請改土歸流再鎮筭紅苗原有十里其下四里久已歸化而上六里之苗貼近保靖向爲保靖土官所管今該土司彭御彬與其弟彭澤蛟等同室操戈連年抄殺經撫臣布蘭

奏

題參革職現在究擬臣愚以爲宜乘此時議改歸流實爲久安長治之策臣細考地圖形勢其下四里地方設有鎮筭鎮重兵彈壓下四里之西北卽爲

天上六里其地與保靖接壤保靖之外爲永順爲桑植爲湖北之容美各土司地界若將保靖改土歸流則鎮筭一鎮已貫紅苗之腹心再於鎮標選撥遊擊一員帶兵駐劄六里界內之崇山衛城以扼其腰背又以遊擊一員帶兵與同知一員駐劄保靖司城與鎮筭乾州互成犄角之勢如此則鎮營各官兵星羅碁布措置周密不特六里之苗不能與土司相通不敢仍前肆縱卽未附之紅苗亦日漸月摩數年間可以悉遵

聖朝德化也臣今因姦民謝錄正一案將赴長沙會審

臣再與撫臣布蘭泰布政使朱綱細加妥酌另行
朱綱朕已另用矣布蘭泰入懇謹操守頗優識見無足
請
取也此係地方大事故宜於廣議博詢中自立主見固
旨合將情形繕摺陳奏恭候
不可游移尤不可不詳慎也
皇上訓示臣謹

奏

覽

雍正五年四月二十一日吏部尚書署理湖廣總

督印務臣福敏謹

奏為奏懇

天恩事竊臣前

奏請帶明史館纂修舉人葉滋前往湖廣雍正五年

葉滋回京會試荷蒙

聖恩特賜召見賞賚有加
諭令卽回湖廣不必候榜若得中式卽以此番
召見准作

殿試今葉滋已得會試中式蒙

特賜第二甲第十名進士出身此從來未有之曠典也

臣伏查葉滋為人學問優長存心端慤可否仰邀

皇上格外洪恩授以文學侍從之任俾得親承

聖訓以成其材必能益自奮勵無負

硃批諭旨

聖

福敏

天恩臣謹其林也指益自奮佩無忘
皇奏帶水其恩外以文學尚書
此人朕量其材質可用為郡守尚在斟酌未定也
同日又奏十卷並十卷其來未許之禮典也
奏為遵 奉 茲 日 會 同 九 案
旨酌議奏

聞并謝

天恩事竊臣因總督衙門有廠稅羨餘及鹽商小禮二
項向為養廉之用是以據實奏

聞而撫臣憲德亦以巡撫衙門荆關稅羨并鹽商小禮

關其恭摺

旨奏俱蒙 旨 諭 案 查 對 督 司 萬 林 臣 交 介 聖 鑒

御批著臣酌定隨便奏不可省之需數

聞欽此仰見我 聖 旨 而 更 疑 兩 悉 湖 廣 總 督 衙 門 廠 稅

皇上體恤臣工無微不至臣伏查湖廣總督衙門廠稅

羨餘鹽商小禮每年約共銀一萬二千兩巡撫衙

門荆關稅羨及鹽商小禮每年約共銀一萬四千

兩原係前督臣楊宗仁酌留之數似足一年之用

皇上今臣細加酌量應仍以此一萬二千兩留為總督

養廉其賞兵奏摺等公用仍支動三分耗羨則後

任諸臣飲食日用悉出
皇上之恩賜矣至撫臣憲德請將稅羨小禮充餉另於
三分耗羨內賞給養廉之處查解司耗羨原備闔
省公事之費若於此內動給恐公用不敷不若仍
以荆關稅羨并鹽商小禮銀一萬四千兩聽爲巡
撫養廉不煩更易而儘可敷用臣謹酌定具摺奏
聞再臣署任內所有前項銀兩悉貯藩庫除賑濟過銀
六千兩外如有必不可省之需遵
旨動用仍行備案存查俟督臣邁柱到任交代臣謹望
闕叩頭恭謝

天恩臣謹

奏

此所議是但朕欲將憲德與馬會伯互相調用俟邁柱
到楚爾與之交代時總將前後情節併朕之諭旨備悉
說明令其知之可也

同日又

奏爲恭報夏收分數米糧價值事竊據湖南布政使
朱綱開報通屬二麥收成約有七八九十分不等
米價中米每石九錢八九分至一兩二錢不等上
米一兩二錢三四分至一兩四錢不等雨水霑足

全楚麥熟秧苗遍插等語又據湖北布政使黃焜開報通屬
二麥收成約有五六七八分不等中米每石一兩
至一兩一二錢不等上米一兩三四五錢不等秧
苗栽插雨水霑足等語臣訪查無異而市賣米價
因江西廣西江南等省採買販運者多故價尚未
減臣仰體

皇上一視同仁未便阻遏聽其流通是現今地方寧靜相
應繕摺一并奏

聞臣謹
奏

趙殿最前因奉差船廠無忝厥職甚屬可嘉回京復命
奏對亦甚明白似為實心任事之員故於伊告假在籍
之日擢用為湖南臬司及伊來京陛辭時神氣恍惚舉
動浮躁總不是前番光景朕當即諭問據伊奏云途中
患病方愈但恐其人非提刑之才通省讞獄關係緊要
汝其細加訪察奏聞

命同日又

奏竊臣查前撫臣鄭任鑰私賣硝磺一案經臣審明

皇上請

旨革職治罪於閏三月二十一日具

硃批諭旨

辛

福敏

題隨於二十六日接到內閣來文蒙

皇上御批撫臣憲德奏報鄭任鑰將銀二千兩令伊家人交庫緣由

命臣一併察明奏聞臣正在察奏間又奉

諭旨將鄭任鑰發至楚省欽此臣思事係一案應俟任鑰到日一併察明具

覽

奏合先陳明再謬沖花苗一事經臣會商黔省協力擒捕業已具摺

奏明今黔省委撥遊守二員帶兵三百五十名粵西委撥千總一員帶兵一百名臣委遊擊吳文都司

劉策名帶兵三百名會合訂期齊進今據報於閏三月二十四日黔省官兵堵截後路楚省官兵從前路直抵賊寨兇苗四散竄入深箐官兵搜捕先後拏獲花苗二十餘名口并器械等件現在遍行窮搜等情臣又飛檄新任副將黃賢率同吳文等細加搜捕務盡根株俟事竣之日查明疆界作何安設塘汛爲巡防善後之策臣與黔省督撫提臣會同酌議務使地方寧謐外所有官兵已破兇苗巢寨擒獲苗口及現在搜捕情形合併奏

聞伏乞

硃批諭旨

至

福敏

皇上睿鑒臣謹

奏

閱所奏捕苗情形深愜朕懷此番籌畫甚合機宜
雍正五年七月初九日吏部尚書署理湖廣總督
印務臣福敏謹

奏爲恭謝

天恩事臣齋摺家人回楚捧到

欽賜金扇香藥各等件到臣臣出郊跪接望

闕叩頭謝

恩祇領訖竊臣才劣任重毫無報效屢蒙

聖主賞賚稠疊臣何人斯常膺

異數惟有竭盡愚誠仰承

聖訓以圖少效涓埃之報於萬一不勝感激之至臣謹

奏

覽奏謝知道了爾所奏土司二摺因朱綱現在京中令
其會同廷臣詳議俟奏覆時有旨

同日又

奏爲奏

聞事竊今年五六月間因雨水過多米價未平當有湖
南之安鄉龍陽等處姦徒乘機搶劫行舟臣卽會

同撫提拏獲姦匪撫綏良民皆已寧帖至湖北之武昌漢陽等處被災甚於湖南以致米價騰貴臣多方措處捐資買米平糶接濟民食俱各安靜乃有游手無藉之棍徒散布謠言勒衆罷市冀有不順從者卽行搶奪臣確訪密拏當獲爲首之監生石光才甲長陳由先等取供收禁百姓無不稱快各安生業似此刁惡棍徒若不盡法重處無以懲後理合奏

聞請

旨遵行臣謹

奏

此風斷不可長當嚴加懲創以儆將來類斯等事何必具題徒滋案牘審明確情立斃之杖下可也

同日又

奏爲恭報被水情形事竊楚省於六月初旬大雨連綿湖湘江漢各處水長一時奔匯大江以致江水泛漲較之去年更高二尺其高原之地水淹不到者早晚二稻皆無傷損至窪處湖田悉已淹沒所有被災州縣經臣

題報在案此皆臣力薄任重有忝職守致此愆咎現

一二窪下之處偶爾被淹不過美中之不足耳但當竭
在委員踏勘果否成災俟勘畢具
力補救俾不致失所則可轉有災為無災全楚豐收
題請

天恩不為不厚何可過於奢望耶
旨賑濟惟是刻下災黎乏食不得不急為接濟除有社

穀各州縣照常散借外其餘江夏沔陽等州縣查
有鹽商公捐積儲銀兩臣請動支委員赴附近豐
熟處所買米平糶則米價不致高昂於民生實有
裨益再臣現往荊州一帶查看堤工刻下已經江
水漫潰諸口堤內堤外水俱平滿堤外之水正在
消退則堤內之水相應導之使出甚好不便遽行堵築
俟水勢全退臣即督率地方官竭力修補理合陳

明伏乞

皇上批示施行臣謹

奏
已有旨矣當遵旨悉心措畫督率辦理務使災民得均

沾實惠以副朕念

同日又奉文

奏為密陳事竊查噶禮幕賓歐曲寄頓噶禮財物一
案有歐曲之姪歐履原等在楚省漢口鎮置房開
賭典前經委員歷審俱稱係履原自己資本營生經
臣另委研審供稱原未分家則其為歐曲資本無

疑所有未經審出各員理合參處臣一面具本題附參在案但內有安陸府知府周夢錦係調隣府會審之員該府屬沔陽等州縣上年被水歉收該守撫恤災黎甚著勤勞又漢陽府解任知府郭朝祚現在奉文引

見該員亦係才守兼優聲名頗好臣查楚省吏治玩忽周夢錦郭朝祚原屬可惜之員朕所稔知者汝即不奏此二守者實係能員可否仰邀

朕亦留之聖恩姑從寬典以策後效再湖南按察使趙殿最臣遵

旨訪察該司到任未久不能深知其人但目下辦事亦朕觀其人究屬不妄每於奏摺中妄言甚不安分已有無差誤之處容臣再加訪察一有聞見即行奏

旨矣聞理合據實密陳臣謹

奏

覽

雍正五年七月二十六日吏部尚書署理湖廣總

督印務臣福敏謹

奏為奏

聞事竊查湖北未經被水地方據布政使黃焜彙報早聖主稻收成七八分不等入秋以來雨水調勻將來晚聖稍可望豐收等語湖南除被水州縣外據署布政使趙殿最彙報早稻收成八九分不等目下雨水

亦無缺乏晚稻可望十分收成等語臣親訪無異
至江水泛漲幸叨
聖主福庇水勢旋即消落荊州驟退一丈五六尺武昌
驟退五六尺沿江低田盡露尚可播種雜糧再各
府米價俱在一兩內外惟武昌漢陽荊州等府地
當孔道驟貴驟賤目下米價每石九錢至一兩二
三錢不等但連歲歉收民無蓋藏現在被水處所
出米甚少今各省採買之員雲集楚省恐即日又
有驟貴之患臣仰體
皇上一視同仁之意不敢遏糴惟是被水饑民急資救

濟別省積儲之項可否緩至深秋或酌量稍減其
數以留有餘庶不致一時騰貴使他省徒捐重價
而本地災黎乏食理合密

奏請

旨訓示施行臣謹

奏

此在爾隨宜酌量而行之朕意米價果昂不禁其糴而
他省自不往糴矣况懋遷有無係百姓營生之道非可
強之也朕不便論止

同日又

殊批諭旨

庚

福敏

奏為請

旨事竊臣自武昌起程查看安陸荊州各府民間被水

堤埝臣詳細踏勘併訪問土民皆云民築舊堤亦

若果高厚斷不致潰決如此修建堤岸原為捍禦大水

皆高厚實緣本年水勢浩大非往年之比瀾漫堤

當以今歲水勢為準而更加高厚方足以防護永久

面以致潰決臣思此堤向係民築民修各盡其力

各衛其田為日已久今若官為堵築則長江兩岸

綿亘五六百里潰口甚多工費浩繁且一為官堤

豈有作為官堤之理此一次為百姓修築堅固告竣之

後交與州縣官每歲仍督率該地方加意防護即此亦

可以驗各官司之實心任事與否乃一勞永逸之舉也

實奏

聞伏查去年蒙

聖恩賑濟自十一月初一日始至今年二月底止臣意

冬初水退尚未嚴寒正可興工可否仰懇

皇恩今年早賑一箇月自十月初一日起除老幼婦女

照常計口給食外其餘丁壯皆令修築堤埝優給

賑米自必踴躍赴工易於告竣至堤工告竣仍為

民堤照常每年民修民築如此則饑民不至乏食

而堤工可以完固矣甚合朕意是否可行伏乞

皇上批示施行臣謹

硃批諭旨

聖

福敏

奏

雍正五年九月二十二日吏部尚書署理湖廣總督印務臣福敏謹

奏爲彙報楚省收成分數仰祈

睿鑒事竊楚省本年中晚二禾收成分數經臣檄行確查去後據湖南布政使趙城開報中晚二禾總計七八九十分不等米價每石八錢四五分以至一兩四五分不等又據湖北布政使黃焜報稱湖北被水州縣二禾收成約計四五分其餘俱七八九

十分不等米價每石七錢八分以至一兩一二錢不等臣復查無異併查被水窮民有前往隣省附近豐熟地方傭工趁食者今水退之後米價日減已陸續回鄉復業理合奏

聞伏乞

皇上睿鑒臣謹

奏

前聞楚民離鄉就食者甚多亟當設法招徠務令各旋故吏得以復業方爲撫恤之道觀汝節次所奏與朕所聞互異切勿稍涉欺隱負朕深恩特諭

硃批諭旨

奏

福敏

同日又

奏爲恭報調遣官兵撫輯事宜仰祈

睿鑒事竊查桑植保靖土司改土歸流一案經臣會同

前撫臣布蘭泰滇撫臣朱綱摺

奏荷蒙

皇上憫念邊氓俯准改流臣於九月初五日准吏部密
咨適值副將楊凱正在武昌并有鎮筵遊擊王進
昌亦以調考在省臣隨密撥辰州九谿二協兵各
二百五十名令楊凱統領帶同備弁以及新設同
知鐵顯祖前往桑植又密撥鎮筵鎮兵三百名令

王進昌統領同保靖同知劉自唐赴保靖并照會
夷陵鎮筵兩鎮各於邊界密加防範臣因弁兵以
糧餉爲先已令預給兩月兵米又慮各兵出行需
費臣將

皇上恩賞養廉銀內以一千兩分給楊凱王進昌帶往
犒賞去訖再查彭御彬向國棟先已羈候省城而
其妻子仍留原地臣今令該將等護送至長沙收
管俟事結之日聽候給還安插所有微臣現在布
置辦理事宜合先具摺奏

聞伏乞

硃批諭旨

五

福敏

睿鑒臣謹

奏

此等事宜正須加意鼓舞豈可吝惜犒賞如許兵弁千金何能濟事觀汝料理殊不妥協

雍正五年九月二十五日署理湖廣總督印務臣
福敏湖北巡撫臣馬會伯謹

奏爲請留賢員事竊查武昌道趙弘本年壯才優辦事勤練茲奉

旨調補貴州貴東道但武漢黃三府本年偶有被水之處開賑在邇正需道員督查又兼有江堤更藉能

員專理仰懇

聖恩可否將趙弘本以陞銜留任抑或俟堤工事竣令該員再赴黔任統出

聖慈伏乞

皇上睿鑒施行臣等謹

奏

趙弘本原係能員因貴東缺甚緊要朕有意調用令其速赴新任趙弘恩居官亦優係汝等所知者何必多此一奏朕殊不以爲然也

雍正五年十一月初十日吏部尚書署理湖廣總

殊批諭旨

奉

福敏

督印務臣福敏謹

奏爲土苗感

恩向化亟請設縣立營以定久安長治之策事竊臣接准部咨隨即密委副將楊凱遊擊王進昌等領兵前往桑植保靖續據稟報各官兵於十月十二日已抵桑保二司地方土苗男婦載道歡迎并據向氏繳印歸誠緣由經臣具疏

題報在案臣查桑保二司今改土歸流若分屬州縣管轄皆相距窵遠難以控制請改爲二縣各設知縣一員典史一員桑植隸於岳州府以現設之岳

州府額外同知分防管轄保靖隸於辰州府以原設之保靖同知分防管轄所設二縣恭候

皇上欽定縣名

敕部鑄給同知縣關防印信以昭職守再查副將楊凱現已奉

旨授爲桑植副將應爲一協設中軍守備一員千總二員把總四員共兵五百名保靖應立一營設遊擊一員中軍守備一員千總一員把總二員共兵三百名該營聽桑植副將管轄其新設副將遊擊關防并請

敕部鑄給至前撥九辰二協兵各二百五十名鎮守鎮
兵三百名皆係緊要重地不便久懸臣現咨提臣
會商於楚省各標協營內酌量緩急如數抽撥俟
具題到日有旨
酌定另行會

題再現值寒冬雨雪之候桑保議建營房尚需時日

臣現捐銀蓋草房四百間令兵棲止再查永順土
司彭肇槐素常恭順臣令撥領土兵二百名同進
又官兵米糧該土司用夫運送尅期無誤應否議
敘以為奉法勤勞者勸理合奏明仰請

聖恩伏乞

應獎賞者備細聲明題請可也

皇上睿鑒施行臣謹

皇奏

覽

同日又

奏為恭謝

天恩並陳犬馬愚誠仰祈

睿鑒事竊臣自去年十月奉

命署理督篆正當楚省被水饑民待哺之時緣總督衙

門向有武昌廠稅贏餘及鹽商小禮臣是以於稅

羨內動銀二千兩倡捐給賑業經

殊批諭旨

空

福敏

題明在案是時養廉一項尚未奉
旨公費無可支用因查督臣楊宗仁任內凡督臣新任
閱兵犒賞及齎摺路費等項俱於耗羨公項內動
用臣愚昧之見以爲有楊宗仁之成例而未細思
耗羨之不可輕用此臣智識短淺相沿舛謬罪實
難辭及後荷蒙

皇上批摺准給養廉適在青黃不接之際米貴民饑臣
因思

皇上准給養廉銀現有六千兩貯於司庫故仰體
皇仁支散窮民乃臣不敢自私之實情若敢一念稍萌

巧詐一事敢爲欺隱安能逃

聖明之洞鑒乎臣總制全楚識淺才微辦理多有未周
有負

皇上任使之恩今蒙

寬仁不卽譴斥臣跪讀

諭旨不勝惶悚汗流感激淚下惟有省愆悔過矢報將
來伏乞

聖慈俯垂鑒察至臣用過耗羨銀兩謹遵部議補還司
庫合併陳明臣謹

奏

大凡天下事但涉於巧僞未有久而不露之理也汝其知之

雍正六年二月十三日吏部尚書臣福敏戶部左侍郎臣史貽直謹

奏臣等於雍正六年正月十三日欽奉

諭旨命臣等至保定府審理曾逢聖各案及解任布政使張适按察使魏定國夾斃吳橋縣生員竇相可情由臣等於二十一日抵保定府卽檄提曾逢聖各案文卷及案內應審人犯一面多寫告示遍發曾逢聖歷任正署地方張掛招告去後臣等隨提

張适魏定國到案秉公嚴審據張适將來斃竇相可又謊稱病故之處供認不諱而魏定國職任刑名知情徇隱之處亦俯首無辭臣等遵

旨卽將張适魏定國鎖拏監禁現在按律定擬其竇相可告曾逢聖私派各款一案共計入已贓銀一萬三千六百兩衆證確鑿曾逢聖亦已供認其張子醇龐五雲所告私派二案與李應聘控告收受監生王棫銀兩認拜門生一案曾逢聖俱承認不諱其原任薊州知州李英控告曾逢聖勒索屬員各款一案亦據供認是實其桑成鼎家人王玉控告

曾逢聖過付李紱銀兩一案緣李紱在天津截漕時李維鈞將銀一千二百兩令曾逢聖前往餽送過付是實欸內又開有旗丁運脚銀七千八百兩一項據供並未經手查係桑成鼎將此項銀兩令守備張傑送至李紱家眷船上並非曾逢聖過付今李維鈞等俱在刑部監禁李紱亦現在京應俟臣等具

題到日請

敕部就近提審查張子醇等控告曾逢聖四案張适魏定國未經會審其實相可李應聘控告曾逢聖二

案據張适魏定國會審轉詳竟將曾逢聖入已贓銀審作因公科斂故出其罪又不追贓枉法袒護情弊顯然除各案問供並各犯罪名容臣等於題本內詳細敘明定擬外合將審過情節先行繕摺奏

聞再查本年二月初九日據順德府任縣報稱有禡革生員梁標遵

旨首告又據大名府報稱有戶房書辦王大用遵

旨首告但案內應審人犯及應查卷宗俱未解到臣等現在飛提俟案犯卷宗到齊之日卽行審訊其餘

各府州縣再有遵

旨首告者臣等一併審明具

題爲此謹

奏

特命爾等前往審理者原爲張迺夾斃竇相可之事此案旣明其餘首告會逢聖之案現已審明者具本題奏其續告之王大用等呈詞若俟提齊各犯尚需時日爾等不必守候俱交與該督等徐徐審明具奏可也

硃批塞楞額奏摺

雍正四年十一月初十日署理山東巡撫印務侍

郎臣塞楞額謹

奏爲欽奉

聖諭事雍正四年十月十三日臣到任後接准登州總兵官黃元驤爲膠州停泊戰船一案恭錄

硃批諭旨到臣臣欽遵一面委員前往膠州會同營員

親至停泊處所宣揚

人等無不感戴

恩旨並查明在膠船數在船人數令該州動支正項錢糧接濟一面檄行布政司查議應給口糧數目去

硃批諭旨

塞楞額

後續據布政使張保議稱停泊船內人役應照江
恩旨南原給工食口糧數目支給前來又檄行該州令
其按月照數支給在船人役無不歡呼感激叩謝

皇恩臣恐上塵

宸衷謹將料理情由繕摺奏

聞謹

奏

料理殊屬合宜朕又有旨諭黃元驤著賞犒伊等咨到
汝遵照奉行

同日又

奏為恭謝

天恩事臣於十月二十八日親詣岱頂恭祝

聖壽至十一月初二日回署接准吏部咨文奉

旨調補臣戶部侍郎伏思臣於兵部任內兩經部議革

職俱蒙

聖恩寬宥茲復特膺

寵命調佐司農臣何人斯邀此

隆遇感激之私莫可言盡唯有銘心刻骨銜結於生生

世世而已謹繕摺叩謝

天恩為此謹

殊批諭旨

奏

滿洲之中人材甚少如爾等可以栽培者朕無不造就
成全若因此遂恃恩自恣漫不檢束惟希冀姦容則不
大誤矣當祇遵朕訓懋勉厥職以圖報稱可也

同日又

奏為請

旨事臣查東省各官養廉從前俱議定數目批行布政
司遵照在案至學差一缺原未議給養廉之項學
臣王世琛到任後前撫臣陳世倌曾先支給耗羨
銀二千兩云照道員之例每年給養廉六千兩但

會否四平十一日十八日署理山東巡撫臣陳

奏明無案可稽事關動用錢糧臣實不敢冒昧遽行
支給為此繕摺請

旨伏候

皇上批示遵行謹

奏理等因奉來奏案內不豐外虧北奏

此事當看學臣之操行何如不可竟為定例若實一塵
不染地方大吏自應量為資助倘名不副實則無庸支
給也總宜合於公當而已

雍正四年十二月初五日署理山東巡撫印務侍

郎臣塞楞額謹
奏為恭報得雪情形事竊東省自十月以來各屬多
報得雪一二寸三四寸不等茲復於長至日普降
瑞雪四野繽紛積雪至五六寸七八寸不等農夫
奏野老咸稱來歲麥秋定卜豐收謹此奏

聞以慰
聖懷謹

奏

瑞雪應時實慰朕懷殊為可喜可慶
雍正四年十二月十九日署理山東巡撫印務侍

郎臣塞楞額謹

奏為遵

旨議奏事前蒙

皇上發下沂州副將楊鵬條奏大路墩臺應添造營房
令兵丁挈眷居住一摺奉

硃批諭旨此事可與鎮臣詳悉籌畫具奏欽此即移咨
登究鎮臣確議去後嗣准各咨覆前來查守墩兵
丁馬二步三晝則瞭望夜司巡查不可一時擅離
汛地若令挈眷居住實於公私均有裨益應如楊
鵬所奏中東兩大路共計墩臺一百三十五座每

墩添造營房十間共計應造營房一千三百五十
間每間約需銀十兩共計銀一萬三千五百兩造
完之日卽令各兵丁挈眷永遠居住如至年久應
修令兵丁苦補毋致坍塌可也臣會同鎮臣合詞
具

奏是否有當伏祈

皇上批示遵行謹

奏

所議甚爲妥協防守嚴密自可盜息民安也

同日又

奏爲請

旨事據巡察山東等處給事中奚德慎移稱本科遍歷
東省沿河一帶漕艘客船往來絡繹不絕關係最
爲緊要如照河標漕標添設煙墩營房令兵丁住
守催重趲空巡查瞭望於弭盜安民似有裨益等
因移商到臣查同一河道在河標漕標則有煙
墩營房在兖州鎮標則無煙墩營房以致防守兵
丁尋覓民房居住殊爲未便自應一例添設以資
防守但查自桑園起至張秋止共計河道六百四
十五里又自劉昌莊起至黃林莊止計河道一百

六十里其間應造煙墩營房共有五十餘座費用浩繁一時難於辦集請於兩年內酌動餘耗銀兩交與沿河州縣各官陸續添造俟造完之日另行奏

聞臣會同巡察科臣奚德慎合詞具奏是否有當伏祈

皇上批示遵行謹

奏

沿河營房煙墩接聯不斷既可催漕船又以衛行旅實為兩便應行添造但當嚴飭州縣官務須蓋造堅固方

可悠久不然如直隸等處未及一年盡皆傾圮徒費金錢究無益也善為之

雍正五年正月初三日署理山東巡撫印務侍郎

臣塞楞額謹

奏為恭謝

天恩事去歲臘月十九日臣齋摺家人奉到欽賜

御書福字及風羊哈密瓜茲於元旦又接到特賜風羊臣俱望

闕叩頭謝

殊批諭旨

恩祇受訖伏思臣何人斯膺此
隆遇非獨臣之一身仰承
福蔭於靡涯卽臣之舉家亦共載
福德於無盡矣臣惟有凜遵
聖訓勉力奉行以圖報稱於萬一爲此謹

奏

極宜加勉以副朕望朕初意不過令汝暫時署理仍著
陳世倌復任近廉知陳世倌祇能潔己自守不肯實心
任事汝須多爲料理幾時朕若選擇不獲勝任之人則
不可以年月限也汝當事事竭力經畫毋少存瞻顧之

思勉之

所奏臨清之摺交部查議矣

同日又

奏爲奏

聞事竊查臨倉徵收米折銀兩每年應得羨餘銀一萬
五千一百二十三兩內除奏銷考核隨鞘飯銀添
平銀及紙張飯食犒賞書役銀外實剩羨餘銀一
萬三百餘兩歷年以來臨關稅銀多有缺額卽以
臨倉之羨餘補臨關之不足雍正四年臨關稅銀
並無缺額是以臨倉羨餘亦無抵用之處前撫臣

陳世倌於伊離任之時將三季收過羨餘銀八千一百九十八兩除留充各費外伊俱解交藩庫補還伊借動之庫項臣自冬季管理起至徵完止應收羨餘銀四千四百五十五兩又帶徵三年分未完錢糧內應收羨餘銀一千四百八十五兩臣任內共收臨倉應得羨餘銀五千九百四十餘兩臣將九百餘兩作為歲底犒賞臣標三營官兵及衙門各役之用將五千兩解交藩庫留充公用所有臣收過臨倉羨餘銀兩數目謹據實繕摺奏

開謹

奏 陳世倌於錢糧羨餘原無染指朕所稔悉何也伊惟恐累及身家祇務全身保祿不肯傾心為國是其所短耳

雍正五年正月二十四日署理山東巡撫印務侍
奏 郎 臣 塞楞額謹 內 謹 支 效 味 辨 京 諭 煙 支 持 驗 一
奏 為 請 示 臣 持 羨 無 羨 辦 本 臣

旨事去歲十二月間布政使張保呈送冬季分規銀到臣臣即面詢此銀出自何項據稱係各州縣解費及餘平銀內存為分規每年約有五萬餘兩向係院司均分等語臣查東省各屬徵收耗羨每兩以

三分作為解費原為解餉添平而設若存為分規恐不足以服州縣之心且布政使張保呈請動支正耗銀兩為解餉添平之用據稱從前原以歷年

旨軍民欠七分耗羨解餉添平因民欠緩至八年帶徵

伊會經奏過奏明於現在耗羨內動支故起解京餉動支耗銀一

萬二千兩為添平之用等語臣思三分解費原應

作解餉添平之用今存為分規所以添平又不得

不動支正耗況東省歷年掛欠戶部短平銀共有

奏九萬七千餘兩至今無項可補臣請自雍正五年

為始將此分規銀兩即作解餉添平之用如有餘剩併所收七分耗羨搭解戶部以補從前掛欠銀

暫時權宜以之彌補可也補足掛欠後仍留為撫司之用兩如此則添平銀兩不致動支正耗而歷年掛欠

亦得陸續彌補矣是否有當伏候皇上批示遵行至任內去歲冬季應得之分規銀

萬一千四百三十三兩相應交與藩庫留充公用

旨事為此謹

奏為請

除此之外更有何項養廉此項分規前撫陳世倌曾否

支用俸何處置之處併查奏

殊批諭旨

九

塞楞額

雍正五年二月初十日署理山東巡撫印務侍郎
臣塞楞額謹

奏為請

旨事臣自抵任以來查訪六府知府直隸知州俱能循
分供職惟各州縣內有難以姑容之員如原任內
皇上有虧空未完者應解任勒追有年老無能並才力
不及者雖任內尚無劣蹟若聽其因循怠惰恐致
貽誤地方應分別令其改就教職或勒令休致又
有在任十餘年者經管錢糧不無那新補舊之處
覽奏深為欣悅果能嚴批飭發以清吏治庶復何憂耶
應於本省內隔府調缺以便彼此清查如蒙

皇上俞允祈於候補候選人員內揀選十員發往東省

知道臣一面查明題叅一面挨次題補更有請者原任

膠州知州馮景夏前任內分賠銀兩已完如蒙

皇上准其開復祈仍發至東省候補為此請

旨謹 同日又

奏

安民之道惟在察吏諸卿誠能秉公毫無瞻徇更不存
沽譽之心將見俊傑在位庶績咸熙

社稷蒼生裨益不淺矣勉之現任各官與朕何嫌出其缺
朕豈另有欲用之人乎矧經歷既久之員較新進未諳

硃批諭旨

十

塞楞額

練之輩相去霄壤汝於此處務求公當少不允協人材
可惜總之爲大吏者非清慎而兼明察不能得鑑衡之
當至所奏年老不及各員若果衰邁不堪卽教職亦屬
誤事伊等已任縣令亦可謂不負其讀書一番不如竟
令休致善藏其拙正所以保全之也

同日又

奏爲恭報雨雪情形事竊查東省正月二十六日天
降時雨三十日又降大雪至二月初一初二兩日
連得微雨六府六州俱報均沾實於春農秋麥大
有裨益臣謹將雨雪情形奏

聞謹

奏

深慰朕懷惟宜恪秉一誠仰冀

上蒼之垂佑慎毋預料秋成侈然自逸也切諭

雍正五年二月二十二日署理山東巡撫印務侍

郎臣塞楞額謹

奏爲遵

旨查奏事臣前將冬季分規銀兩交庫留充公用等情

具奏奉

硃批諭旨除此之外更有何項養廉此項分規陳世倌

硃批諭旨

會否支用作何處置之處一併查奏欽此臣查自雍正二年七月提解耗羨之後議定巡撫養廉銀每年二萬兩藩臬養廉銀每年各一萬兩俱自耗羨內支銷至分規銀兩仍由藩司於解費內扣留院司均分是養廉之外又有此分規也再查陳世倌自雍正二年四月到任起至四年九月離任止共收過分規銀七萬五千七百九十兩共支過養廉銀四萬五千兩內

奏明現存司庫留充公用銀四萬七千三百八兩又捐賑用過銀一萬七千九百九兩又因博爾多陞

任進京陳世倌將伊應得之分規銀一萬一千兩不曾收受歸併博爾多其餘銀四萬四千五百七十餘兩陳世倌爲盤費之用此分規養廉之實數也至臣到任後一切用度俱於養廉內支用上年冬季分規銀兩已

奏明留充公用理合一併奏

聞謹

奏

據奏耗羨銀兩旣可以養廉分規一項卽依爾所請行朕惟恐爾等大吏需費殷繁或致用度不敷耳

同日又

奏爲奏

聞事竊前撫臣陳世倌於臣到任時將

硃批條奏東阿縣大河口建築石橋一摺併伊

奏明彼處地有浮沙難建石橋請造船十隻搭作浮

橋以濟行旅緣由移交到臣臣隨轉飭該縣作速

成造去後今據東阿縣詳稱遵造橋船於正月十

二日完工復將河口兩岸下椿築土鑲成馬頭安

設船隻搭作浮橋現在車輛人騎通行無礙等情

前來除將造船工料用過銀一千二百二十九兩

行令布政司查核外謹將浮橋報完日期奏

聞謹

奏

張楷亦好爲此等私恩小惠之前者奏請於安徽所

屬地方開支河一道可令商民避長江之險等語朕意

其必有真知灼見處故諭接任者奉行孰料竟屬紕繆

不可見之施行今不識此橋果係應行有益之舉抑或

陳世倌出於一時迎合徒爲無益之費耶爾其據實奏

聞奏爲

雍正五年三月十九日署理山東巡撫印務侍郎

硃批諭旨

十三

塞楞額

臣塞楞額謹

奏爲代

進奏摺事據陞任兗州府知府吳關杰稟稱前奉聖諭如有奏摺交與巡撫轉奏今關杰荷蒙

天恩陞授湖廣辰沅靖道現在束裝赴任具有謝

恩奏摺一封懇祈轉奏等情到臣臣謹代爲恭

進謹

奏

吳關杰中材耳其莅任兗州以來雖未聞其劣蹟亦未聞有美政甚屬平常朕將伊調用湖南非嘉獎而陞擢

之也其賢否究竟如何之處爾據實覆奏

同日又

奏爲奏

聞事臣思

聖廟工程事關重大因嚴飭管工各官上緊備辦茲據

奏登萊青道徐德倬詳稱磚瓦灰石已備辦十之七

八原擬木料一到即可興工今都司鈕國璽買到

之木多不如式等情臣查鈕國璽所買木料既不

如式而任內錢糧又有虧空似此不職有誤臣合

欽此之員斷難姑容現在題參請

硃批諭旨

旨革職嚴提審擬著落該員將家產賠補仍轉飭管工
各官將運到之木料內擇其合式者收工應用合
將料理情由繕摺恭奏以
聞謹
奏
鈕國璽藐法誤工甚屬可惡亟當嚴叅示懲事關尊崇
先聖乃千萬世不朽之典務須極力詳慎遴委幹員料理
妥協方是況汝係科甲出身便作私事論亦宜殫心籌
畫以盡報本之誠方不有愧儒教其徐德俶亦屬推諉
具疏時不可從寬

雍正五年閏三月十六日署理山東巡撫印務侍
郎臣塞楞額謹
奏為奏

聞事本月初四日接准內閣封發山西巡撫德明所奏
吳奇明揭帖一事奉

旨山西巡撫德明所奏吳奇明揭帖一紙可抄錄發與
山東巡撫將揭帖內有名之該省人犯應行質問者
卽速密拏解往山西交與德明究審不得疎縱亦不
得拖累欽此欽遵等因到臣隨密差遊擊白良璧前
往查拏於初七日將東阿縣民董大成拏解前來

察其情詞觀其形狀乃一年老無知鄉農似非謀
爲不軌者查原揭內董大成並非在家居住之人
臣恐拖累無辜除將現獲之董大成拘禁省中一
面備敘情由專差星赴山西咨詢或彼處另有董
大成其人或將現獲之董大成發往質審之處另
行斟酌料理外合將咨詢緣由先行奏

聞謹

奏

非此董大成自不可令其枉屈此事且勿顯露狀中有
鹽徒八百人馬上朋友五六百之語又有寄頓年羹堯

贓物等情諸犯雖獲朕疑其事荒唐但既舉首鑿鑿不
得不究耳此案山西現在審理俟德明處文到汝迅速
應付無誤目下以密爲要須選差精細捕役潛詣州縣
伺察踪跡倘事果實免致臨期失措

雍正五年四月初五日署理山東巡撫印務侍郎

奏 臣塞楞額謹

聞奏爲報明二麥情形事竊查東省濟屬於閏三月初
氣爽三日大沛甘霖四野霑足嗣據各府州縣報稱閏
三月初三初四等日以及二十二二十六等日均
得大雨細訪通省二麥現在俱甚茂盛日下米穀

市價較之未雨之前已每石減銀六錢四五分不
等臣恐上廩四等日以後二十二十六等日其
宸衷將二麥茂盛糧價漸減情由繕摺奏
聞爲此謹
奏
覽奏朕懷深慰政平人和則雨暘時若此皆汝誠敬居
心勤敏奉職之所致

天道最近切不可視爲杳渺無憑也勉之慎之

同日又

奏爲奏覆事竊臣准內閣知會內開三月十六日奉

上諭前布蘭泰摺奏海疆事宜塞楞額當擇其應行事
件作自己之意具題今將朕硃批俱寫入本中是伊
錯認朕意恐將來督撫倣效而行實有未便故將原
本批令發還爾等可寄字與塞楞額事若應行自當
作伊自己奏陳另行具本若不當行之事亦不宜宣
露推卸欽此合行寄字知會等因到臣臣捧讀之下
天恩不勝惶恐戰慄竊查海疆事宜均關地方公務理
與宜擇其應行事件作自己條陳具本題請乃臣知
識愚昧不能體會

聖意疎忽之罪臣實難辭惟有益加黽勉以仰副我

皇上教育生成之深恩而已除將原奏內擇其應行事
宜另疏具請開會

題外爲此恭謝事并白口恭謝具本原奏內朕
天恩謹想計恩深外府查國體中官此關此亦公器
奏并明於此合行咨請以爲後世之勸諭
此等事過出於無心朕不汝責也原本發還所以明示
朕意使天下督撫知之嗣後有所遵循耳

雍正五年四月初九日署理山東巡撫印務侍郎

臣塞楞額謹

奏恭請

皇上聖躬萬安

朕安今已實授汝爲山東巡撫矣勉盡厥職以副朕意
汝父年艾如欲接至任所以伸孝養亦可在汝父子之
間酌量而行耳偶爾念及故諭

同日又

奏爲奏

聞事本月初四日准副總河嵇曾筠移送會題疏稿一
件係爲曹單二縣臨河大堤題請加幫鑲埽於藩
庫內動帑興修將額設徭夫工食併幫貼等銀抵
項外其餘在於徐德俶名下勒追還項緣由又咨

殊批諭旨

六

塞楞額

文一角內稱現在具題檄令藩司先動撥庫銀三萬五千兩以便備料興工緣由一併到臣臣查徐德倅係奉

旨發與嵇曾筠令其出貲財數萬金効力以示懲戒之員自應將此項堤工即責令徐德倅効力興修或至實難接續之時再為題請借動庫銀今徐德倅尚未到工即先動庫銀然後於伊名下勒追恐將來賠補無期而庫帑反致虛懸况曹單二縣河堤並非險工尤不便於未經奉

旨允准之先擅動庫帑是以會稿內臣未經畫題其檄

皇上令藩司所撥銀兩亦未經准其給發除將前情咨覆嵇曾筠外謹具摺奏

聞為此謹

奏

朕若據奏即飭諭嵇曾筠相形之下恐殊爾等同官雅誼爾但堅持不硬給發請理謝响辭覆命伊自行改罪為是倘伊固執見或異題或摺奏到時朕將旨諭問於爾然後將此情由聲明回奏爾亦須告無過也諸凡似此據實無隱毫不瞻顧可謂明體達用福至心靈矣朕實褒獎之至勉之

殊批諭旨

塞楞額

同日又

奏為請

旨事竊惟知府一官有刑名錢穀之司表率拊循之任
必得精明強幹之員方克辦理無誤臣查青州府
知府俞兆岳年力老邁精神衰憊胥役窺其柔懦
漸至玩忽從事前於三月間青州府城內兩次被
盜盜至今月餘未獲一賊雖疎忽之咎不專在郡守
而委靡之愆已可槩見矣臣恐姑容日久以致貽
誤地方可否令俞兆岳自行引退員缺另請

皇上揀選補授之處伏候 聖鑒

聖鑒批示遵行謹

奏

俞兆岳原非朕所鑒賞之人因見其氣度舒徐意必老
成歷練所以擢用之耳果如爾言則棄物也亟應令伊
告退此員缺通省州牧府佐內有勝任之人否查明奏
聞具 奏

皇上雍正五年四月二十四日山東巡撫臣塞楞額謹
奏為恭謝禁衛營升念引以肅愚之費荷蒙

天恩事本月十九日接奉 諭旨念引以肅愚之費荷蒙
硃批諭旨今已實授汝為山東巡撫矣勉盡厥職以副

硃批諭旨

字

塞楞額

粹朕意汝父年艾若欲接至任所以伸孝養亦可在汝
天父子之間酌量而行耳偶爾念及故諭欽此臣跪讀
奏之下不禁涕零伏念臣以庸愚之質荷蒙
皇上逾格擢用由中書歷任侍郎東巡歷日舉時瞻
高厚之恩直同覆載今復

特授山東巡撫更蒙

念及臣父俾臣得展烏鳥私情臣何人斯邀此

異數撫衷自問愧感交集自茲以往惟有益加黽勉務

奏竭犬馬微忱仰報

弘慈於萬一而已謹先繕摺恭謝

天恩謹

奏

終身不改此志則一生受福無窮大率始終如一不隨
境而遷者少玩愒歲月昧其初心者多夙興夜寐時加
省察如人飲水冷暖自知古人云明道易守道難非扶
天理遏人欲克勤於涵養工夫不能也卽如勉之一字
須從慎之一字著力操存之功豈容少間汝其謹誌弗

失門更願願請為北諭附恭摺

楚國同日又一回茶茶二班中調恭對香案呈

天奏為恭謝十五日引齋歸家人卦院

殊批諭旨

壬

寒榜額

天恩事本月十五日臣齋摺家人捧到

欽賜人參筭一匣芽茶二瓶臣隨恭設香案望

闕叩頭祇領訖爲此繕摺恭謝

大恩謹

奏

覽卿奏謝知道了

曹單二縣河堤茲據嵇曾筠懇請工程緊要恐致遲誤等語其檄撥錢糧爾卽照咨付與將來如徐德倣不能足數賠補則惟嵇曾筠是問耳爾無庸會題令其自行具奏可也

旨 雍正五年四月二十八日山東巡撫臣塞楞額謹奏爲奏

聞事四月十七日晚天降時雨各屬均沾立麥俱得堅實禾苗亦漸長發據各屬報到內四五十州縣麥收分數俱在七分以上至十分不等惟是上年被水州縣內水淹窪下之處多有魚子今春涸出間有蝻子生發已嚴飭地方文武官弁竭力搜捕併委大員親歷巡查並未傷損田苗合行奏

聞謹

奏

硃批諭旨

三

塞楞額

蝗蝻一事人力竟可以勝之確然無疑者捕不盡力一令飛起爲害不小地方官百姓多有憚於撲捕倖免督責往往隱而不報爾當時加訪察嚴行飭諭方收實效在爾東省此事尤爲緊要年年春夏秋務宜留心毋得少忽慎之慎之

雍正五年五月二十二日山東巡撫臣塞楞額謹奏爲查明倉穀據實奏

聞事臣自到任後卽檄行布政司確查積貯實數續又

旨將陸埰條奏一摺交臣議奏查陸埰奏請存價銀兩

分發各州縣採買之說在應買之道廳得脫然事外而分買之州縣愈爲滋累臣故不敢議令分發以開推卸之端仍照各案原存價銀勒限本年秋收買補貯倉惟是三錢一石之價在豐年尚能採買若遇歉收實有不敷臣請於秋成後查訪確實若有萬難採買之處或另行分別題請展限或於餘耗內酌量每石加添三五分俾得作速買補以副我

皇主軫念民生慎重倉儲之

聖心伏候

殊批諭旨

三

塞楞額

皇上批示遵行謹

皇奏紳念只主與重倉儲之

分發各州縣固不可行若必待三錢之價天時難定尤為非理但此事必有原委何故折價存貯其中豈無情弊朕經通諭州縣各倉凡有折色貯庫儘其存銀按時價購買補倉其不足之數責令原任事者賠補此事亦當如是辦理設若不能察其原由不得其人恐倉儲終屬虛懸至爾所奏酌量於耗羨內幫貼亦必俟秋成後買補為是總在爾詳情度理秉公而為之耳

同日又

奏為奏

聞事竊查東省於五月初一初二二十三十四等日俱有

微雨又於二十日得雨八土四五寸不等秋苗茂

盛各屬亦均沾雨澤至從前所報蝻子發生之處

共有二十餘州縣臣即迅飭文武官弁竭力撲捕

一面用錢收買今報到撲滅者已有十之八九其

飛蝗去來無定現在隨有隨撲人夫之蹂躪蝻蟲

之殘食雖於田苗不無傷損然統一州一縣而論

不過百分之一耳理合具摺奏

聞謹

殊批諭旨

話

塞楞額

關奏批示遵行

蝗一飛起則大有可慮此皆初生時撲捕不力之所致也宜嚴督所屬務令撲滅續生蝻子要緊快凡捕蝗附近田苗不無蹂踐之害所以不民不願而監輔親臨地方未免有迎送之勞所以牧豎亦不願是捕蝗之事全在該撫勸懲得法也試思蹂踐之為害幾何飛騰則為害甚溥愚民只顧一身計豈難與論利害輕重此事若覘不透一時被屬員愚惑過後追悔無及荒年閭閻四省皆生此物朕諭該撫等竭力撲滅竟未至成災汝等當察地方官之不盡力者必素係不能盡職

之員照規避懶惰之例嚴行叅奏懲一以警百捕蝗各員寧猶不知戒懼耶

雍正五年六月二十九日山東巡撫臣塞楞額謹奏為奏

聞事前因東省州縣內有蝗蝻生發荷蒙

皇上指示周詳臣恐屬員撲捕不力以致蔓延為害因於看河之便親詣生發處所嚴行督催復派委多聞至員分頭查催半月以來俱已陸續報到撲打淨盡矣東並未傷損田禾臣猶恐有餘種未盡陸續生發之望備處現在仍不時查訪嚴飭隨生隨撲誠如

硃批諭旨

五

塞楞額

聖諭人力可以勝之者也臣恐上厯

宸衷謹將撲滅緣由先行奏

聞至臣所歷二十餘州縣處處田禾茂盛卽訪之通省

州縣亦俱稱雨暘時若可望豐收合併奏

聞謹

奏

東省陋習朕所稔悉前於爾奏摺內故諄諄批諭也年
年當留心體訪一有所聞督率撲捕不遺餘力倘有隱
匿者嚴加叅劾如此則蝗蝻何至蔓延爲害其新任有
司於平時卽嚴切誥誡使預知處分之重自不樂仍踵

舊習矣

奏爲奏

聞事竊臣據東昌府聊城縣申稱本月十七日晝夜大

雨河水陡長十八日卯刻龍灣舖地方運河西岸

漫開水口七丈有餘連夜搶修業已堵築至二十

一日復遇大雨河水頓長復將堤頭護埽汕去又

聞衝開水口一丈寬深現在加緊搶修等情到臣臣

奏隨檄飭東昌府知府金啓洛督率印河各官星夜

堵築併委員前往查明衝決堤岸曾否堵築完固

殊批諭旨

三

塞榜額

民田廬舍有無淹沒各情形另行具咨詳察宗固
奏外合先奏

聞謹備開水日一丈實窮與并吐潔鮮到等計此耳
奏一日身無六軍西之野游對面驚融而夫又

地方是凡此等小事繁不隱諱一一奏聞朕甚嘉之殊
不厭其煩碎爾審度情形如不難於措畫酌動耗羨之
項隨宜料理速竣毋致因循滋患也

奏同日又

奏為查勘河道工程事竊徒駭馬頰二河工程告竣

臣於六月初六日自省起程遍歷有河州縣挨次

查勘二河工程深寬丈尺俱各如式一律深通毫

徒駭馬頰為九河之二載於禹貢雖水道變遷名存迹

沒難於推考今將此河之淤塞疏濬深通齊魯黎元獲

免水澇之患朕心深為悅懌

皇仁咸稱自此可永無水澇之患矣等語臣惟查兩河

舊有橋梁俱係淤後所築今河已挑挖深通橋梁

根基多有浮露衝刷日久必至坍塌其所有橋座

臣酌動公費耗羨轉飭修築堅固以為經久之計

今查勘已畢於二十六日回署合將查過河工情

奏形具摺陳明謹

硃批諭旨

二十七

塞楞額

奏派員具醫劑

爲政以大德不以小惠修築橋梁務宜永遠堅固使民實享其利若苟且塞責以圖一時美觀則猶未以乘輿濟人於溱洧也

雍正五年七月初九日山東巡撫范懋德奏

聞事竊聊城縣龍灣舖地方河堤漫決情形臣經

奏明在案今於本月初九日據東昌府鄆河各官報稱自初三日以後連朝晴霽河水漸消所有衝決堤口於初七日堵築完固民間廬舍並無被淹卽

低窪處所田禾稍被水浸幸際成熟之時不致爲害等情前來除仍轉飭地方官加意察訪毋使貧民失所外合將決口堵築工完民田廬舍並無傷損緣由繕摺陳明謹

奏近日畿甸以內秋雨連綿朕甚憂慮爾宜飭諭各屬於一切堤工小心防護毋致疎虞慎之慎之

雍正五年八月初六日山東巡撫臣塞楞額謹

奏爲

聞事據東昌府知府金啓洛報稱七月二十六日大風

殊批諭旨

天

塞楞額

聞事驟雨將城北護城大堤衝開二十餘丈幸於二十
奏七日晴霽之後水勢漸消城郭可保無虞其堤內
居民三千餘口俱用小船載入城內安置房屋雖
被淹沒人口並無傷損等情到臣臣卽委濟南府
知府張體仁前往會同金啓洛酌動銀米將被水
窮民加意撫恤併將護城大堤作速搶修除俟料
理妥協之後另行具

奏外謹將衝決被水情形先行陳明謹
奏

觀汝實授以後頗不及署理之時

天道隨人亦自然更易此一定之理也

同日又

聞奏爲奏前以東昌府屬兗州府屬濟寧州屬之各州縣衛所
聞事據東昌府屬兗州府屬濟寧州屬之各州縣衛所
俱以秋雨過多窪地被淹等情詳報前來現在轉
飭布政使委員分頭查勘外臣查登萊青三府山
地居多雖有雨水無傷田苗俱報到秋收各有八
奏九分不等至濟兗東三府除被水村莊外其餘亦
聞蕪俱報到秋收六七八分不等統計收成數卽被
京東水州縣將來亦不至米價騰貴臣恐上厯

宸衷理合繕摺奏

聞謹財賦歷年外六十八分不著

奏此伏乞聖鑒至荷

便厘朕衷亦無可如何之事豈此片紙數字所能慰解

耶

雍正五年八月十六日山東巡撫臣塞楞額謹

聞事竊臣前以東昌城北護堤被水衝決委令知府張

體仁前往協同料理緣由業經摺

奏今已晝夜搶築如式完固其被水人民各有生理

者已各歸本業外尚有無依貧民男婦大小共一

千四百餘口內大口每名給銀五錢小口每名給

銀二錢以為經營餬口之資俟堤內積水涸盡再

行酌量按戶散給搭蓋房屋之費斷不使流離失

皇上帝子惠元元之至意所有給過銀錢以及築堤所費

不及二千金臣與司道大員公同捐備無庸請銷

庫項再查運河堤岸漫溢之處本應即行鑲墊但

目下水勢尚未消落堤內堤外水面相等取土維

艱人力難施臣現在檄飭印河各官相度機宜俟

疎批諭旨

三十

塞楞額

河水稍退即便次第興修至於沿河緯路遇有殘
缺水口卽暫搭浮橋以濟回空以通商旅更查東
昌府城雖經水患各項糧米並不昂貴居民亦皆
安堵如故臣謹據實奏

聞上慰

聖懷謹

奏

觀爾前後摺奏光景衝決勢大淹沒或不止於此凡地
方水滂之患亦所時有但宜講求撫恤之方斷不可絲
毫隱諱也

雍正五年八月二十六日山東巡撫臣塞楞額謹

皇奏爲請

旨事竊臣業將已報到被水之州縣陳

皇奏在案今委官查驗多不至成災惟東昌府屬之沿
濰河州縣地處窪下以致被淹較重查定例如地方
有被災之處先將情形

題報續將分數查明復行具

題蠲免但東省今歲三麥已慶豐登通省秋收亦多

成熟雖有數處被水不致民食維艱今若據州縣

題之申詳遽將被水情形通行具

題不惟成災之州縣多所希冀卽不成災之州縣亦皆觀望無論無力貧民不行完納卽有力大戶亦不肯輸將此等情弊臣所甚悉是以未敢造次具題現在已委員分路查勘如有實在成災地方容臣據實開明分數繕摺

奏請其有應蠲應免之處仰候

皇上特降恩綸目前之先報情形免臣具

題則將來成災貧民仍得沾沐

皇恩而不成災之處所亦不至觀望希冀矣臣查訪既確用敢具摺

奏請伏候

聖鑒批示遵行謹

果不成災自不在蠲免之例何慮其觀望但查勘務宜公確汝既不先報情形於具題時須聲明緣由方可免違例之咎也

同日又奉旨支取共田米一萬三千二百石

奏爲請查耗羨彌補流抵平案經臣查

旨事竊查耗羨彌補流抵平案經臣查

旨題請展限統於雍正五年歲內全完奉

旨允准在案今查司庫續收耗羨約至九月初間流抵

旨事銀兩彌補將完而各年應解耗羨為數尚多臣查

此項斷然用不得耗羨挑濬徒駭馬頰二河共用銀十四萬七千九兩零

挑濬鬲津等支河共用米一萬七千二百餘石現

在具

題請銷但徒駭馬頰河道實為宣洩民田陂水而鬲

津等支河更同民間溝洫雖蒙

聖恩准動庫帑實係地方公事臣請俟彌補流抵全完

之日即接續彌補挑河所用銀米庶以公完公不

奏惟正項錢糧不至多費而提解耗羨亦無事紛更

矣為此謹

奏

以公完公非此之謂也各項虧空補足時暫留贏餘將

來若有無著之項正宜以此補苴至如地方上修理道

路橋梁或添助州縣買補存倉穀石疏通溝洫等事亦

宜以此支用斯謂以公完公但總不可令不肖官吏借

名開銷假公以濟其私耗羨一項原為地方官所得之

物蓋以之養其廉操方可杜絕巧取之私使不為吾民

累迨完公有餘酌量均增於州縣各官令其從容不窘

則自然不貪實為善舉且此耗羨乃民膏民脂於正賦

外不得已而取之者也。如果此等之需，又盡充足，則當減耗以裕民方，為萬分全美之政。所奏耗羨作為挑河公用之說，謬矣。何也？此項止可為地方中之公用，非可為國家之公用也。國家理財自有大體，假令各省於正供外又增此名色，餘出耗羨數百萬，充為庫帑，成何國體？耶？若然，則提耗羨一極美之事，翻成大笑談矣。爾領悉朕意，一切皆本此辦理，方不愧臨民之任。

雍正五年十月初四日山東巡撫臣塞楞額謹

奏為奏

聞事前准內閣來書欽奉

上諭著各省督撫迎請

龍神像位建祠供奉。臣即一面委員赴京迎請，一面

奏敬擇潔淨屋宇一所，重加修整，建設神龕。今於九

月二十四日據委員迎請山東

福齊惠應龍神二尊到省。臣即率同各官出郊迎接

進祠敬謹供奉。訖所有迎請

龍神像位供奉緣由合行奏

聞謹

奏

覽爾奏中敬謹二字時刻不可去懷。蓋

硃批諭旨

三

塞楞額

神明感應之理惟以德馨不僅在享祀豐潔也禮月令仲夏夫雩雨暘禱祀山來尚矣然居心行政若不出於仁民愛物之誠徒懷僥倖希冀妄邀福庇何異緣木求魚此理朕見之甚明且確爾一身繫闔省蒸黎之休戚當思所以致感之實兢業自持勤慎不怠庶幾徵應如立竿見影也

雍正五年十一月初七日山東巡撫臣塞楞額謹奏為恭報瑞雪事查東省於十月初三初四十九二十以及二十七等日六府六州陸續申報得雪自三四寸以至八九寸一尺不等四野均沾訪之農

圃老民僉云小春節氣得瑞雪霑足誠來年豐稔之嘉兆也合將瑞雪情形繕摺恭報謹

奏亦合職報蓄車姓李文餘與謝為農夫工食之費直隸山西河南皆已得雪朕正為由左繫念覽爾此奏深為快暢然更須春雨應時綿綿接續為佳耳

雍正五年十一月二十四日山東巡撫臣塞楞額謹奏為請調回塘撥之兵以專責成以實營伍事伏查各省設立塘撥遞送部文京報俱係提塘召募土著令其沿途遞送其工食銀兩出自通省各衙門

看報各官按季解貯藩庫提塘赴司請領惟東省則不然自省至京設立塘撥悉用撫標兩營步兵奏遞送由來已久不知始自何年但營兵自應隨營操練不便擅為塘撥之用況東省各州縣原有閱報銀三千餘兩儘可僱募以供遞送臣請將原撥塘兵盡行撤回以實營伍其遞送公文之人卽令提塘召募沿途土著良民承充其通省閱報銀兩亦令解貯藩庫按季支給提塘為募夫工食之費如此則營伍塘撥均有裨益再查當日派撥之時原無報部文案今撤兵歸營似可無庸具平豐錄

聖題臣謹繕摺奏

聞伏候

聖鑒批示遵行謹

奏小聞且東省密

此奏甚屬可嘉應如是料理近日古北提臣楊觀亦經摺奏此事當日派撥雖云未曾報部今若不具題存案恐將來仍蹈故轍況他省塘撥不無類此者見朕允爾題請則亦不得不倣效而行矣

聖旨同日又

聖奏為叩懇

殊批諭旨

三

塞楞額

聖恩俯允懇

陛見事竊思臣自叩辭

天顏以來業逾一載犬馬戀

主微忱固已時深夙夜而地方應行行政務尤當敬領

睿謨臣心繫

闕廷因恐曠誤職業未敢冒昧瀆請茲封印在即事務

奏少閒且東省密邇

聖神京往返不須一月敢懇

聖恩容臣於封印後輕騎減從兼程赴都叩請

聖安面聆

聖訓不惟瞻

天仰

聖之誠得以稍展而吏治民生之事亦得有所遵循矣

臣不勝激切待

命之至謹

奏

今歲不必來京幫助陝西騾頭一事切須悉心料理勤

加訪察嚴飭屬員禁止胥吏毋致滋弊使不至踵前陋

習擾累地方始不負朕委任之意至於採買騾頭必肥

壯者方可入選一路解送官吏尤宜審擇勤幹之員諸

殊批諭旨

三

塞楞額

凡豐裕從事毋令其艱窘倘或至於賠累則誤事矣勉
之更有備用二千兵丁一事候朕諭到盡心辦理
全數同日又
奏為恭報瑞雪事前十月內得過雨雪情形臣已陳
命奏在案今於十一月十七十八等日又復連朝大雪
四野均沾各州縣俱報稱積雪至七八寸一尺不
聖之等當此一陽來復之候得此大雪繽紛實為豐年
大中之兆理合恭報為此謹

聖奏

冬雪頻仍朕懷深慰果能格秉公忠之念以止報朝廷
下安黎庶四裡以古爾親各風習中辨其長日
穹蒼之錫嘏朕可為汝操左券也勉之敬之

雍正五年十二月十八日山東巡撫臣塞楞額謹
奏為恭謝

天恩事前臣兩次齋摺家人回東俱蒙

皇上欽賜湯羊臣恭設香案望

闕叩頭謝

恩祇領訖為此繕摺恭謝

天恩謹

殊批諭旨

天奏

聖師將有西藏之役由此而遂向準噶爾布昭天討亦果可定軍需重任部臣內一時不得其人欲調爾來經畫故及早諭知以便徐為預備此事即在廷議政大臣朕尚未露其端調爾大約在明歲夏秋之間此數月內可將地方政務加意整飭密之又密毋得洩露特諭

雍正六年正月十一日山東巡撫聖塞楞額謹

奏為恭報瑞雪事上年十二月二十九日濟南得雪三寸四野均沾嗣據各屬陸續申報俱於是日得雪二三四寸不等不惟二麥自茲暢茂將見禾苗

今奏亦可乘時布種矣合將瑞雪情形繕摺恭報謹

聖奏

今歲雨雪可謂由春至夏

天恩浩蕩率匪均沾滇省從來雪少去冬竟深至二尺人所罕聞見者朕實感戴慶幸而倍生惕厲之心願與諸卿共相懋勉其靖共爾位毋或荒寧慎之慎之

雍正六年正月二十八日山東巡撫聖塞楞額謹

奏為請

旨事竊准吏部咨欽奉 聖諭各省督撫於所屬知縣內揀選一人作速咨送

硃批諭旨

三

塞楞額

上閩省交與高其倬常資酌量於緊要縣缺補用欽此
欽遵臣揀選得蓬萊縣知縣楊一正在任年久歷
練老成可以咨送抑臣更有請者原任金鄉縣知
縣郭允彝丁艱離任現在候咨歸旗歷任六載有
餘辦事明敏才具練達若咨送閩省堪勝緊要縣
缺臣因人材起見越例具

奏或將現任知縣楊一正咨送或將丁憂知縣郭允
彝聲明緣由咨送閩省之處伏候

聖鑒批示遵行謹

奏亦回乘親在藝矣合謀謀善計沃歸附恭辦

令楊一正往閩是郭允彝若居官果優具本題留送部
引見可也

同日又辭辭辭辭辭辭辭辭辭辭辭辭辭辭辭辭

奏為請請請請請請請請請請請請請請請請

旨事正月二十六日接准部咨奉

旨山東按察使楊紹補授直隸布政使山東布政使岳
濬調補山西布政使張坦麟調補山東布政使欽此

奏臣查東省現在存庫之正雜錢糧共有三百四十
餘萬兩關係重大現在道府內無堪署藩篆之員

皇上仰懇

殊批諭旨

四

塞榜額

皇上天恩將岳濬暫留東省俟張坦麟到任交代明白
之後再令赴山西新任爲此謹無異議謹奏

奏查東省與西省軍之五餘錢共計三百四十

所請是足見慎重錢糧之意已有旨命張坦麟速來交

代矣東省察對詳詳蘇對直縣亦如對山東亦如對岳

自雍正六年二月十二日山東巡撫臣塞楞額謹

奏爲恭報雨雪事二月初四日省城大雪復據各府

州縣陸續報稱是日有得雨入土四五寸不等之

處有得雪三四寸不等之處合將得過雨雪情形

恭摺奏

聞謹

奏

深慰朕懷實代汝不勝慶幸也但不可遂爾放逸惟心

存敬畏拳拳弗失勤吏治暢民情

上蒼之響應朕可力保也慎之又慎期共勉之

同日又

奏爲遵

旨密議據實覆奏事竊臣接准和碩怡親王戶部尚書

蔣廷錫奉

上諭密寄信與河南山西山東督撫每省於步兵內挑

殊批諭旨

罕

塞楞額

土備選二千人等因寄字到臣臣遵卽酌定議稿先後密寄與河南督臣山西撫臣會商在案查河南督臣山西撫臣會稿內以所挑之兵俱屬步兵無庸給與騎坐馬匹等語臣思各兵長途跋涉恐難步行謹議各給騎馬一匹又會稿內止云酌量派委管轄各官帶往等語其應派官員數目騎坐馬匹製備行裝銀兩未經分析置議臣之所議微有參差理合聲明統祈

皇上訓示遵行謹

奏

此事田文鏡石麟俱經奏過作何辦理之處朕已酌定準則諭明田文鏡矣爾等總在田文鏡處畫一而行

雍正六年二月二十六日山東巡撫臣塞楞額謹

奏爲恭報得雨日期事竊二月二十二日濟南省城

自寅時下雨起至戌時止舒徐綿密田土透足近

聞東省州縣俱報均沾其去省遠者尚未報到謹將得

表雨情形繕摺謹

奏同日又

直隸亦然

天恩溥博欣幸之懷筆不能喻此喜與爾同之但須加勉

加慎方克承

上蒼之眷顧也助哉

奏同日又

奏為據實奏

聞事竊臣於放告日有青州府臨朐縣民孫有明狀稱同縣民姚瀛盜伐伊樹又佔伊地畝在按察司衙門控告行府審為誣告批令枷責哀鳴親審等語臣閱其詞內為爭地爭樹細事歷經審理結案未准逐出詎孫有明走出門外隨拏小刀刺傷肚腹至晚殞命其中有無冤抑是否畏罪脫逃控告不

聞謹 准以致自盡之處除批令按察司嚴查詳報外合將孫有明因告不准自刺緣由據實奏

聞謹

奏另田引與查詳補回禁墾園之數委員查計

爾身任封疆當知夫體似此瑣屑不應奏之事瀆奏必有應奏之事隱匿而不奏聞者在朕甚疑之舉奏亦單

同日又奏

奏為請

旨事竊查藩庫內有扣存支發河工銀六千九百六十七兩係歷年陸續扣存部費之項據布政使岳濬

詳稱部費名色已經革除此銀請存為地方公用
等情前來合行
奏明撥充公用再查濟南省城墻垣坍塌之處甚多
臣於去歲已委員確估共需工料銀四千七十餘
兩又查東昌府屬之聊城等縣運河堤岸多有單
薄每遇河水長發之時易於衝決以致河水灌入
秦民田臣現在將作何修築堅固之處委員查估臣
請將此項扣留部費銀兩即作此城工河工之用
理合奏

聞謹

奏

城垣堤岸均宜修葺但不可令浮冒以填不肖官吏之
貪墾

同日又

奏為欽奉

上諭事本年二月十一日准內閣寄字內開雍正六年
二月初六日大學士馬齊朱軾張廷玉孫柱等奉
上諭闕里興修工程已經三年何以至今尚未告竣爾
等可寄信與巡撫塞楞額令董事諸臣實心料理務
使堅固昭垂永久毋得惜費省工擔延時日報竣之

硃批諭旨

四

塞楞額

後朕或親詣展禮或遣親王大臣前往俟再降諭旨
欽此臣到任後卽擬刻日興修催僭告竣以期仰
副我

皇上尊師重道之至意無如都司鈕國璽所買之木多
不如式經臣

題叅革職審擬隨委濟東道牟錄元等協同承修各
官將木植逐一丈量確估其缺少之梁柱枋桁等
大木以及漏估未買各料已動支庫銀先後委員
星夜赴江廣購買應用到工之日方可定限完工
今奉內閣寄到

上諭詢問除另文咨呈內閣外合將

聖廟工程至今尚未告竣緣由據實陳明謹

奏

內閣轉奏時另有諭旨似此旣經咨呈必到朕覽之事
又無不便聲明應行密奏之隱情何必多此一番煩瀆
亦可謂不體朕之至矣

皇上雍正六年三月二十七日山東巡撫臣塞楞額謹

奏爲恭謝公綽哈爾山巒察以隕心區并

天恩事並齋摺家人回東捧到聖諭密旨特旨重
欽賜皇輿全圖臣跪迎進署恭設香案望

闕叩頭謝

恩祇領訖敬捧跪閱山川疆理細密周詳惟有慎重
祕藏於公餘細心體察以期仰副我

皇上誘掖指示之

聖心爲此繕摺恭謝

天恩謹

奏

此圖實難得之寶物也尺幅萬里普天一覽乃前代之
所無費

聖祖數十年苦心積慮所成當珍重之

同日又

奏爲恭報雨澤事竊查東省前於二月二十二日得
過大雨又於三月初四五等日各屬報到得雨大
小不等今於十四日又得大雨四野霑足又於二
十一日自申時起至次日天明止細雨綿密各屬
亦報均沾仰賴

皇上弘福雨暘時若田禾茂盛各屬糧價亦因之日漸
平減合行恭報上慰

聖懷謹

奏

殊批諭旨

吳

塞楞額

春爾優渥朕心深慰但章奏中動稱仰賴弘福此等語
朕竇厥聞爾等若不秉公察吏顛倒刑政縱容衿棍肆
行無忌以奎百姓銜怨含冤則乖氣致異惟仰賴朕一
人之弘福以感召林田木若若朕若天若和可乎似此不經虛文諛奏有何益處觀所言之不實
即卜中情之偽矣果能竭力効忠殫心奉職爾等上天之眷祐朕可信其必也將爾科甲虛套習氣務須盡
情洗滌若少留一分必受一分之累戒之

同日又

奏為奏明事竊查院司分規經臣

奏明以充解餉添平之費如有餘剩聽作彌補從前
掛批之用已奉

旨准行在案今雍正六年春季部撥西餉一百三十六

萬兩查運解西餉並無添平飯銀之費臣因通查

此番省用之分規以及庫存餘平併七分耗羨共

銀四萬六千七百三十八兩零查前撫臣陳世倌

於雍正三年賑濟被水貧民會動用濟南東昌臨

清博平等府州縣倉穀原議院司道府公捐還項

統計應捐共銀七千三十四兩迄今事隔三載官

多更易既不便責令後官代捐又不便著落前官

賠補臣請將此番節省之分規等項銀兩內撥出七千三十四兩以補當日未捐之項庶以公完公而倉項不至虛懸矣為此謹

奏

此事宜確察的實朕意其未必然也不過借此巧為開銷虧空耳若前項倉穀果因濟貧動用今為之買補還項正所謂以公完公當然之舉也

雍正六年四月二十六日山東巡撫臣塞楞額謹

奏為遵

旨查明覆奏事竊查河工効力人員等支給養贍銀兩

一案經布政使岳濬具摺題兩河各該處出自

奏稱河工効力仇廷樞等十四員經前任巡撫陳世

倌批准每月每員給薪水銀四兩此項應否停止

欽奉

硃批與巡撫酌量如果實心効力又當再論如陳世倌

狗情給發不但應行停止從前給過之項還當著落

陳世倌賠補又奏稱侍衛張炳等四員先准兵部咨

開此等人員應否給與俸祿酌量辦理隨經布政

使張保議給養贍銀四兩武進士范學海等亦經

張保詳明一體支給此項或應停止或應酌減伏

硃批諭旨

吳

塞楞額

候於前... 支餘... 欽此

聖裁批示等因奉 查欽此 臣會同商酌細查原卷仇廷樞等
殊批亦如前諭欽此 臣會同商酌細查原卷仇廷樞等
俱稱身家殷實在部具呈情願効力之員若又給
與薪水是與情願効力之意不符陳世倌批各給
領甚屬不合 臣任內仍聽照前支領疎忽之咎亦
實難辭相應將仇廷樞等在陳世倌任內支領過
銀兩著落陳世倌賠補在 臣任內支領過銀兩 臣
應照數賠還查侍衛張炳武進士范學海等與情
願効力人員有聞其支過銀兩可否准銷出自

聖恩至効力各員不應支給 臣失於詳查不勝惶悚待
罪之至叩懇

皇上天恩恕 臣愚昧免 臣檢舉實 臣之厚幸也為此謹
奏

如果實心効力著有勞績則不必追賠若並無効力之
處虛糜月費則應著落本人賠補係陳世倌徇情批給
則當著落代賠朕原旨甚明今此等處俱未聲明違議
令陳世倌賠補朕殊不解一切辦理不求允協總為一
己地步起見陋矣

臣等謹將

臣等謹將

臣等謹將

臣等謹將


臣等謹將

奏

皇上天恩感

罪之不暇

聖恩至故臣等不勝感



世